


ក្រុមប្រឹក្សាភិបាល
AWIG-AWIG
ក្រុមភូមិធម្មនុញ្ញ
DESA ADAT MAMBAL



ក្រុមភូមិធម្មនុញ្ញ
DESA MAMBAL
ក្រុមសមាគមភូមិភ័យស្រុកបាឌុង
KECAMATAN ABIANSEMAL
KABUPATEN BADUNG

ព្រះរាជ
2017



Cover Depan
 Lingga Yoni Peninggalan
 di Pura Desa dan Puseh
 Desa Adat Mambal



Cover Belakang
 Wajah Pura Desa dan Pura Puseh
 Tahun 1930

MURDDHA WAKYA

OM AWIGHNAM ASTU, DESA TATA CARA, OM NAMA CIWAYA
OM CRI PASUPATASTRA, OM AWIGNAM ASTU NAMA SWAHA.

Makadi punikapangastawan tityang majeng ring Ida Sang Hyang Widhi Wasadumogi sidha ngamanggihin karahayuan tan kataman lara wighna maka buatan tityang sareng sami pinaka krama Desa Adat Mambal putusing panugrahan krama Desa Adat Mambal, Keanyarin nyurat awig-awig Desa Adat Mambal warsa 2016, mawastu prasida kasidian tatujon tityang makasami rawuhing kapungkur wekas turmaning sami pada sumuyub miwah ngamanggehangmakadi linging awig-awig.

Sembah bhakti miwah pangastawan krama majeng ring paduka Bhatàra - Bhatari sasuhunan sami, riantukan wantah malarapan panghyangning kalih paswécan Ida Sang Hyang Widhi Wasa asung krettawarànugraha nyresti jagat jangkep rawuhing sadagingnyane sami, mawinan wénten kahuripan sekala niskala ring Bhuwana Agung miwah ring Bhuwana Alit.

Manut dresta, désané kamanggehang dados pasayuban krama désa rawuhing kulawarga pawongannyane sami, mawastu raris désané kamanggehang pinaka pawakan Bhuwana Agung, pawongannyane kamanggehang pinaka pawakan Bhuwana Alit.

Sotaning pawakan Bhuwana Agung, désané taler kamanggehang pinaka pawakan bhàwa mahurip, sané kacirénin antuk wéntené pakilit Tri Hita Kàrana sané tan dados pasahang, luwiré :

- ha. Parhyangan, inggih punika : sahanan genah suci maka panyiwian désa, genah ngarcana prabhàwan Ida Sang Hyang Widhi Wasa, pinaka jiwa pramanan désané;
- na. Pawongan, inggih punika krama rawuhing warga désa maka sami sane pinaka pawakan tri kaya pinaka bàyu pramanan désané, mawinan désané prasida molah maprawretti;



NIYASA DESA ADAT MAMBAL

LOGO / LABEL, MOTTO, SIMBUL, DESA ADAT MAMBAL

- I. SEHELAI DAUN BODHI
- II. SEBUAH LINGGA, DIAPRESIASIKAN SEBUAH GUNUNG
- III. POHON KAYU ENAM BATANG
- IV. PITA BERTULISKAN MOTTO "TYAGA DANA AMANGUN DESA"

KETERANGAN : LOGO DESA ADAT MAMBAL DISUSUN ATAS DASAR DATA ATAU KEADAAN YANG ADA / NYATA

Penjelasan :

- I. Daun Bodhi : daun, don = Tujuan
 bodhi = Keluhuran Budi
 (Dalam kitab Arjuna Wiwaha - oleh Mpu Kanwa), bahwa keutamaan daun bodhi sama dengan Bhatara Ciwa)
 Warna Hijau = Kesuburan
 Kayu = ke ayu - kesejahteraan
 (Bahwasanya, rakyat tetap mengharapakan kemakmuran;
- II. Batu Lingga, peninggalan dari leluhur yang ada di Pura Gunung Rata (3 buah) menandakan bahwa dari jaman dahulu Desa Mambal memuja Ciwa, yang disebut "Bhatara batu Tunggal" (batu = gunung, raf = bhumi = tunggal)
 Lingga diapresiasi menjadi sebuah Gunung yang terbagi menjadi 3 bagian :
 6 pohon, 3 di kiri dan 3 di kanan :
 Dasar = Brahma, segi empat, warna putih : Ang / ॐ
 Tengah = Wisnu, segi delapan, warna hijau : Ung / ॐ

Atas = Ciwa, bentuk bulat, segi : warna putih : Mang / ☸

Jumlah muka 13 = Triodasa Sakti (wujud puja mantera Pemangku)

III. Pada alam Wisnu (hijau, Ung / ☸) tumbuh;

6 pohon, 3 di kiri dan 3 di kanan adalah 6 Temekan Dinas Kajanan dan Kelodan; Bentuk pohon kayu sama satu dan yang lainnya = sama hak dan kewajibannya;

3 cabang = melakukan Tri Hita Karana;

3 helai daun = melakukan Tyaga Dana (Yadnya, Dana dan Tapa);

2 ranting terpotong = Ibu, Bapak (Pradana dan Purusa);

melanjutkan waris dari orang tua (Sapta Werdi)

Daun kayu = $3 \times 6 = 18$ = huruf bali (hanacaraka dst)'

Pohon 6 = huruf hidup (penganggo) : a, i, u, é, o, e (ei)

Huruf Bali menjadi hidup : $18 \times 6 = 108$;

Daun kayu 9 di kiri dan 9 di kanan = keseimbangan.

IV. Pita bertuliskan Motto **"Tyaga dana amangun desa"**

Selamanya melaksanakan :

1. Yadnya - upacara suci;

2. dana - bersedekah (dana punia);


3. tapa - mengendalikan diri (yoga semadhi)

(Bhagawadgita XVII 23, 24) "Om tat sad iti nirdeso ... dst

Tujuan pembangunan akan berhasil membentuk manusia berbudi luhur, kita selalu melaksanakan Tyaga dana membangun desa.

Astungkara, Semoga, Om, Tat, Sat

Penampang lingga



merah = Brahma 4

hijau = Wisnu 8

hitam = Ciwa $\frac{1}{13} +$

BANTANG AWIG – AWIG DESA ADAT

MURDDHA WAKYA			i
KASUKSMAN NIASA DESA ADAT			iii
BANTANG AWIG – AWIG DESA ADAT			v
SARGAH PRATAMA ARAN LAN WAWIDANGAN DESA			1
SARGAH KALIH PAMIKUKUH LAN PATITIS			2
SARGAH TIGA SUKERTHA TATA PARHYANGAN			2
Palet	1	Indik Dewa Yajnya	2
Palet	2	Indik Pitra Yajnya	8
Palet	3	Indik Butha Yajnya	14
Palet	4	Indik Manusa Yajnya	16
Palet	5	Indik Resi Yajnya.	17
SARGAH EMPAT SUKERTHA TATA PAWONGAN			18
Palet	1	Indik Krama	18
Palet	2	Pamucuk Desa	27
Palet	3	Indik Kulkul	33
Palet	4	Indik Paruman	35
Palet	5	Indik Padruwen Desa.	38
Palet	6	Indik Penyanggran Banjar.	40
Palet	7	Indik Pawiwahan.	41
Palet	8	Indik Santana	44
Palet	9	Indik Nyapian	46
Palet	10	Indik Warisan	47

SARGAH LIMA SUKERTA TATA PALEMAHAN	50
Palet 1 Karang, Tegal lan Carik	50
Palet 2 Setra	52
Palet 3 Papayonan.	53
Palet 4 Wawangunan.	54
Palet 5 Wawalungan.	55
SARGAH ENEM WICARA, BHAYA,DUSTA LAN PAMIDANDA	56
Palet 1 Indik Wicara.	56
Palet 2 Indik Bhaya lan Dusta.	57
Palet 3 Indik Pamidanda.	58
SARGAH PITU NGUWAH-NGUWUHIN AWIG – AWIG	60
SARGAH KUTUS SAMAPTA.	61
LEPIHAN	

SARGAH KALIH
PAMIKUKUH LAN PATITIS
Pawos 2

Desa Adat Mambal ngamanggehang pamikukuh makadi ring sor :

- (1) Pancasila;
- (2) Undang-Undang Dasar 1945;
- (3) Tri Hita Karana manut Sadacara Agama Hindu;
- (4) Hak Azasi Manusia utawi HAM;
- (5) Uger – uger saking Guru Wisesa indik Desa Adat;
- (6) Pasilih-asih salunglung sabhayantaka;

Pawos 3

Luwir Patitis Desa AdatMambal:

- (1) Mikukuhin miwah ngarajegang Agama Hindu;
- (2) Ngutamayang/Nginggilang tata prawertine magama;
- (3) Ngajegang kasukertan desa saha pawonganya sekala lan niskala kalih ngawerdiyang Bhoga, upabhoga, pari bhoga;
- (4) Ngajegang kasukertan druwen desakandugi mangguhang kajagadhitan;

SARGAH TIGA
SUKERTHA TATA PARHYANGAN

Palet 1

Indik Dewa Yajnya

Pawos 4

- (1) Pura/kahyangan panyiwian desa ring wawidangan Desa AdatMamballuire:
 ha. Kahyangan Tiga :

- 1) Pura Desa;
 - 2) Pura Puseh
 - 3) Pura Dalem
- na. Pura Gunung Rata
- ca. Pura Prajapati;
- ra. Pura Taman Beji (ring pura Dalem);
- ka. Palinggih Penanggun Desa;
- da. Palinggih Panyangkem Setra/Pempatan Agung;
- (2) Dina piodalan soang-soang pura/kahyangan inucap, kadi ring sor :
- ha. Ring Kahyangan Tiga, luire :
- 1) Pura Desa rikaladina Sukra Pahing wuku Dunggulan;
 - 2) Pura Puseh/Pura Gunung Rata, rikala dina Sukra Paing wuku Dunggulan.
 - 3) Pura Dalem lan Pura Prajapati, rikala dina Anggara Keliwon wuku Medangsia;
 - 4) Pure Bale Agung rikala dina Sukra Pahing wuku Dunggulan.
 - 5) Pura Penangun Desa rikala dina sukra pahing wuku dunggulan.
 - 6) Pura Penyangkem setra/Pempatan Agung rikala dina Anggara Keliwon wuku medangsia.
- (3) Parhyangan miwah wewangunan ring kahyangan tiga patutnganutin Tatwa Agama Hindu, tur kasanggrakaprabeyanin lan kaupapira olih krama desa adat Mambal;
- (4) Pangaci ring pura inucap manut kecap sastra agama, saha kalaksanayang nista, madya, utama manut kawentenan lan pararem;

Pawos 5

- (1) Ring Pura Kahyangan Tiga lan Pura Prajapati patut kadegang juru sapuh lan pemangku;

- (2) Tata cara ngadegang Pemangku silih sinunggil manut sekadi ring sor :
- ha. Nyanjan utawinunas pawuwus ring Ida Sanghyang Widhi Wasa;
 - na. Turunan utawi ngawaris;
 - ca. Kacatri, kapilih, katunjuk olih krama desa;
- (3) Krama sanetan dados kadegang pemangku luire :
- ha. Cedangga luire peceng, perot, cungh, sengkok, belang, jeriji tuna, jeriji lebih, bidug, bancih lan sakancan nyane;
 - na. Sungkan Ila, ayan, buduh, wiadin edan, sungkan besch/beteg, sungkan tahunan;
 - ca. Sane madruwe kasucian urip lan laksana tan becik;
 - ra. Sang sapasira ugi sane tan kapatutang manut pararem;
- (4) Prabea Kapamangkuan :
- ha. Madiksa Widhi (ngawintenin) kasangra lan kaprabeanin olih desa adat;
 - na. Manawi pamangku kahyangan tiga lan prajapati seda, patut kasanggra olih krama desa, tur tan wenang pendem nanging patut kaaben. Indik upakarnya sami kaamongin antuk krama desalan kalaksanayang manut pararem;
- (5). Pamangku tan kapatutan ngamanggehang sasana luire:
- ha. Tan wenang ajejuden miwah sane siosan;
 - na. Tan wenang salab-sulub, yan mamurug wenang pamangku inucap nyepuh raga;
 - ca. Tan wenang malaksana sane tan patut utawi Asta Dusta;
 - ra. Tan wenang ujar ala, ujar abregas ngranayang karnasula;

Pawos 6

- (1) Swadarmaning pamangku luire :

- ha. Ngenterang upacara piodalan ring kahyangan utawi ring soang-soang pakubon krama;
 - na. Prade silih sinunggil pamangku kapialang utawi cuntaka, kadadosangkamargiang olih pamangku kahyangan tiga sane tan kapialang manut pasadok pamangku ring bandesa;
 - ca. Samalih yan sampun pamangku ngayah tigang dina ring pura, kancit wenten kulawarganya padem/seda, pamangku inucap tan keni cuntaka, sakewanten pamangku tan budal selami piodalan;
- (2) Patias utawi olih-olihan pamangku luire :
- ha. Panyolasan miwah sarin canang;
 - na. Luput pakaryan desa kalih papeson;
 - ca. Pangangge arangsukan, sanistan ipun nyabran awarsa apisan;
 - ra. Polih Petias utawiolih-olihan sanelianan manut pararem;

Pawos 7

- (1) Pamangku kagentosin riantukan :
- ha. Seda utawi lampus;
 - na. Pinunas ngraga manawi kageringan lan sapanunggilan ipun;
 - ca. Yening pemangku nenten presida ngamargiang sesana kepamangkuan patut kakaryanin penyade kamargiang manut pararem;
 - ra. Kawusang antuk krama manawirisampun kaparitasas mabhuktimalaksana sane tan patut utawi ngalurug sasana;
- (2). Prade pemangku kawusang sangkaning malaksanan asta dusta keni pamidanda manut pararem;

Pawos 8

Kasukertan Kahyangan Desa :

(1) Sane nenten kalugra ngaranjing kapura luire :

ha. Sang katiban cuntaka, makadi sebel raga :

- 1) Sebel kandel, ngraja sewala, selami dereng mabersih;
- 2) Sebel sangkaning madruweputra,sane istriwaneng ipun 42 dina, lanang nyane ngantos sang rare kepus puser;
- (3) Cuntaka sangkaning karuron waneng nyane 42 dina;
- 4) Sebel pangantenan(pawiwahan) rawuh kamargiang upacara mabiakala;
- 5) Sebel sangkaning kalayusekaran utawi wenten kapademan manut yening nyekah nganseng kamargiang sapisanan ring dina pangabenan, waneng nyane ngawit sakeng suaran kukul ngantos dina pangabenan;
- 6) Sebel sangkaning kelayu sekaran utawi wenten kepademan yening nyekah nganseng kamargiang ring roras dina , waneng nyane ngawit saking suaran kukul ngantos tigang (3) dina sesampun pangabenang:

ca. Makta sahananing sane kasinanggeh ngaletihin;

ra. Wawalungan suku pat, sajawaning rikala mapepada;

ka. Mabusana sane tan manut kadi tata caraning ngaranjing kapura;

da. Anak alit sadurung mayusa tigang sasih;

ta. Sadurung polih wak-wakan (pituduh) prajuru desa adat;

sa. Jadma lekad saking belingan sane nenten maupakara pawiwahan, waneng ipun nyantos kawentenang upacara pamerasan sane pastika. Kasebelan Memen ipun, nyantos sampun ngalaksanayang upacara pawiwahan;

- wa. Jadma sane mamitra ngalang, kabawos kumpul -kebo lanang istri kaucah sebel, waneng ipun ngantos kawentenang upacara pabhayakawonan;
- la. Jadma sane malaksana sad atatayi, minakadi : Agnida Wisaya, Atharwa, Sastragna, Dratikrama, Raja pisuna, waneng ipun nyantos ngawentenang upacara prayascita;
- (2) Busana ngranjing kapura wenang nganutin dresta minakadi :
 - ha. Ritatkala ngaturang ayah, mawastra lan nyalempot;
 - na. Ritatkala ngaturang sembah, mabusana jangkep;
 - ca. Siosan kadi ring ajeng nenten kalugra, sajawaning sampun pituduh prajuru;
- (3) Parilaksana tan kawenangan ring pura, luire :
 - ha. Masuara sane kasinanggeh wak parusya, wak capala;
 - na. Makoratan/mabacin, mawarih, masanggama;
 - ca. Masumpah utawi macoran sajawaning pituduh prajuru desa;
 - ra. Ngias raga sajawaning sulinggih utawi pandita;
 - ka. Mungguh tedun ring palinggih sajawaning pituduh prajuru desautawi sane polih panugrahan saking pamangku;
- (4) Sang mamurug kadi kecape ring ajeng, keni pamidanda manut pareram;

Pawos 9

- (1) Yan wenten jadma karawuhan ring pura, patut kapintonin prade rumasa kasumangsayan, yan tan wiakti, jadma inucap kasisipan lan kadandamanut pararem;
- (2) Prade kahyangan kahanan dhurmanggala, minakadi kapanca bhaya, pamangku patut digelis nyadokang ring prajuru mangda marumang krama desa turngawentenang upacara manuting rupan bhaya sane nibenin tur pamutus sang sulinggih lan panglaksanaan nyane manut pararem;

ha. Dina pamendeman utawi pangesengan sawa padewasan patut nunas pamutus ring sulinggih tur masadok lan nunas pamargi utawi tatimbang ring bandesa adat;

na. Ngaturin krama banjar mangda ngarombo makarya eteh-eteh sawa, lan jajangkepan siosan manut drestan banjar utawi tempekan;

(2) Swadarmaning Banjar lan Tempekan :

ha. Kelian banjar maritatas pamargin sang kaduhkitan, napi pacang kapendem, makingsan rihin utawi lantur keabenang;

na. Prade kapendem, raris kawentenang kulkul patahu olihprajuru banjar utawi tempekan;

ca. Panyanggran banjar utawi tempekansalanturnyane :

1) Soang-soang krama banjar utawi tempekan patut nedunin patus manut parerem;

2) Ngarombo ngaryanin eteh-eteh sawa saha kasarengin antuk krama, miwah sang sane rawuh;

3) Sami krama banjar utawi tempekan nganter kasetra jantos pamendeman puput;

4) Tan kalugra, nginepang bangbang;

(3) Tan kadadosan malelet langkungan ring 7 (pitung) dina, lianan ring pandita;

(4) Prade wenten lampus rikala piodalan, kadadosan mendem tan pasadok tur mamargi sandi kawonmanut pararem;

(5) Dina pamendeman utawi ngeseng sawa sane tan wenang ring setra desa adat Mambalinggih punika :

ha. Dina piodaan ring kahyangan tiga, muah dina pauman kahyangan tiga;

na. Dina prawani, purnama, tilem, pepedan, kala gotongan, semut sedulur lan pasah;

- ca. Dina-dina rikala Ida Bhatara ring kahyangan tiga kantun nyejer;
- ra. Mendem utawi ngeseng sawa tiga sapisan ring setra tunggal;
- ka. Yening pacang ngeseng sawa lintang sakeng tiga diri mangde kepah riin magenah ring setra-setra sane wenten ring wawengkon desa adat Mambal;
- da. Yening tan prasida kepah ngange setra siosan, tur wenten pikobet wenang kamargiang ngeseng sawa sapisanan ring setra Gede desa adat Mambal.
- ta. Rerainan jagat, luire : Saraswati, Pagerwesi, Galungan, Kuningan, lan Buda Keliwon Pahang;
- sa. Sajeroning Desa Adat ritatkala wenten mendem utawi ngeseng sawa kalih diri ring rahina tur setra tunggal, patut sane nampekang setra mamargi riyinan;
- wa. Sajeroning desa adat ritatkala wenten mendem sawa wenten ngaben ring dina patch tur setra tunggal, patut sane mapendem mamargi riyinan;
- la. Jadma beling padem, (belingan nyane kamedalang dumun) wawu dados kaupakara , jadma keni gering agung padem, patut makutang pramangkin;
- ma. Indik rare kalayu sekar, nglungah, pamargine patut nunas pamargi ring sulinggih;
- ga. Sawa sane padem majalaran salah pati, ngulah pati, dados kabakta budal, tur kaupakara kapendem utawi kaaben sapatut ipun, nanging kadulurin upacara pangulapan ring genah seda, perempatan margi, cangkem setra, prajapati tur banten-banten pangulapan punika kasikiang ring sawania;
- ba. Upacara pangeritan patut kamargiang manut pararem.
- ja. Upacara ngaben ngalanus mamargi manut sastra agama;

Pawos 12

- (1) Krama Tamiu prade pademring desa adat Mambal tur wenten kulawargannyane makrama adat , dados kapendem utawi kaaben ring setra desa adat Mambal, nanging patut nawur pananjung batu manut pararem;

Pawos 13

Agung-alit pangabenan, manut pawilangan upakara bebangkit, minakadi :

- (1) Ngaben alit tan mabebangkit ;
- (2) Ngaben madia mabebangkit asiki nyantos tatiga ;
- (3) Ngaben agung mabebangkit langkung ring tatiga;
- (4) Kawenangan nyekah sawa ring paumahan:
 ha. Yening ngaben alit wenang awuku;
 na. Yening ngaben madia wenang tigang wuku;
 ca. Yening ngaben agung wenang nem sasih;

Pawos 14

Pamargin sawa :

- (1) Ritatkala makta sawa utawi makutang, mangda ring margine sane lumrah;
- (2) Ritatkala ngusung sawa tan kalugra ngarap maguyegan miwah pamargine karag kirig, satmaka tan bhakti ring agama Hindu;
- (3) Prade wenten sang panyanggra makadi punika patut maprayascita raga, nunas ampura ring sang madruwe sawa lan kadanda manut pararem;
- (4) Prade wenten jadma padem ring tegalan, ring sawah, genah punika patut kaupakara olih sang madruwe sawa;
- (5) Tegal utawi sawah sane kaentasin muat sawa budal, taler kaupakara, upakarane kamargiang ring genahe sane pinih hulu tur genahe sane ring ungkuran kasiratin.

- (6) Prade wenten jadma tiosan saking Desa Adat Mambalkahanan jiwa bhaya(padem) ring wawidangan Desa Adat Mambal patut keupakara prayascitarang genah punika , sekancan prabea ketangganing olih desa adat manut pararem;
- (7) Prade wenten krama manggihin sawa tan janten sane nruwenang, krama punika mangda masadok ring prajuru adat utawi dinas;

Pawos 15

- (1) Sane kasinanggeh kacuntakan sekadi ring sor :
 - ha. Cuntaka sangkaning kalayu sekaran/padem;
 - na. Cuntaka sangkaning ngraja sewala;
 - ca. Cuntaka sangkaning ngembasang putra;
 - ra. Cuntaka sangkaning karuron;
 - ka. Cuntaka sangkaning pawiwahan;
 - da. Cuntaka sangkaning gamia gamana;
 - ta. Cuntaka sangkaning salah timpal;
 - sa. Cuntaka sangkaning anak istri mobot nenten kaupakara pabiakawonan tur pawidhi widhana;
 - wa. Cuntaka sangkaning mamitra ngalang;
 - la. Cuntaka sangkaning wenten anak istri ngawentenang putra sadurung maupakara, pabiakawonan tur pawidhi widhana;
- (2) Sengker cuntaka manut kawentenanya :
 - ha. Cuntaka kalayu sekaran, cuntakanya manut pawos 8;
 - na. Cuntaka ngraja sewala, 3 dina ngawit saking ngraja sewala utawi salaminang ngraja sewala;
 - ca. Cuntaka ngembasang putra, sane istri 42 dina (abulan pitung dina) ngawit saking putrane embas, sane lanang ngantos sang rare kepus puser;

- ra. Cuntaka sangkaning karuron abulan pitung dina (42 rahina) tur sampun maprayascita;
 - ka. Cuntaka sangkaning pawiwahan, cuntakanya ngantos sasampun kamargiang pabiakawonan;
 - da. Cuntaka sangkaning gamia gamana, cuntakanya ngantos sasampune kapalasang/masapihan tur sampun kawentenang pamrayascita raga miwah pamrayascita desa adat/pakraman lan kahyangan;
 - ta. Cuntaka sangkaning salah timpal kapuputang sakadi ring Agama Hindu tur dresta miwah adat sane manggeh;
 - sa. Cuntaka sangkaning anak istri mobot nenten madasar antuk ngamargiang upacara pabiakawonan, cuntakannia ngantos kawentenang upacara pabiakawonan;
 - wa. Cuntaka sangkaning mamitra ngalang cuntakanya ngantos kawentenang pamargi parabian lan kamargiang upacara pabiakawonan;
 - la. Ngembasang putra nenten kawentenang upacara pawidhi widhana, cuntaka ngantos wenten putrane mameras sang putra, tur sampun kawentenang upacara manut sastra Agama Hindu;
- (3) Cuntaka sangkaning kalayu- sekaran utawi sangkaning kamatian;
- ha. Makingsan cuntakan nyane :
 - 1) Cuntaka/sebelrawuhing sasampun polih prayascita ;
 - 2) Kaluarganya sajeroning pakarangan ngantos roras dina;
 - na. Sang nyambut karya pitra yajnya cuntakanya ngawit saking ngarancang karya rawuh riwus yajnyania (mapegat);
- (4) Sane tan keneng cuntaka inggih punika sang sulinggih lan Pemangku Kahyangan Tiga;

Pawos 16

- (1) Atiwa-tiwa (pangabenan) kamargiang antuk :
 - ha. Nyawa Resi utawi nenten ngupapira sawa, santukan tan ngagah utawi manawi sawa tan kakeniang;
 - na. Sawa prateka utawi ngupapira sawa;
- (2) Panemaya pangabenan :

Ngaben dadakan (bah bangun), kadadosang sajeroning banjar utawi tempekan;
- (3) Dudonan pangabenan ngawit saking ngagah (ngeplugin), ngeseng ngantos pangiriman utawi nganyut;

Pawos 17

Indik larangan ring setra Desa Adat Mambal inggih punika :

- (1) Tan wenang nginepang bangbang, prade wenten jadma kadi punika mangda ngupakara setra manut sastra agama lan kadanda manut pararem;
- (2) Rikala ngendag tan dados makta tanah setra miwah tawulan kadesa adat
- (3) Tan dados ngaryanin undung-undung utawi kuburan permanen ring setra desa adat Mambal;
- (4) Jadma tios agama Hindu tan dados mapendem utawi mageseng ring setra desa adat Mambal.

Palet 3**Indik Bhuta Yajnya****Pawos 18**

- (1) Bhuta Yajnya inggih punika upakara-upacara biakala ring prathiwi lan kahyangan, sarwa prani lan upakara-upacara ring bhuta kala;
- (2) Upacara pabiakala ring sarwa prani luire :

- ha. Ring sarwa tumuwuh kamargiang rikala tumpek pangatag (Saniscara Kliwon Wariga);
- na. Ring sarwa ingon-ingon rikala Tumpek Andang (Saniscara Kliwon Uye);
- ca. Upacara pakala-kalan manusa manut wiguna kabawos pabiakala;
- (3) Upacara pabiakala ring pertiwi, kahyangan lan babutan kawastanin macaru;
- (4) Pacaruan inucap ring ajeng nista, madya, utama manut wiguna kadi ring sor :
- ha. Ekasata; da. Balik sumpah;
- na. Pancasata; ta. Tawur agung;
- ca. Panca sanak;
- ra. Panca kelud;
- ka. Resi Gana;
- (5) Sajawaning kadi ring ajeng taler kawentenang upacara :
- ha. Majot-jotan utawi banten saiban utawi yajnya sesa nyabran sasampun wusan maratengan;
- na. Masapuh-sapuh rikala pacang wali ring pura;

Pawos 19

Ritatkala nuju sasih kasangha taler kamargiang :

- (1) Nangkén ngawarsa rikalaning Tilem Kasanga kalaksanayang Tawur Kasangha, katah kabawos ngrupuk, maka cihna pacang mapag dina panyepian benjangne;
- (2) Upacara panyepian kamargiang sasampun pangrupukan, mungging panglaksanaan nyane patut ngamargiang catur brata panyepian, luih ipun :

ha. Amati geni	:	tan kadadosan maapi-api;
na. Amati karya	:	tan kadadosan nyambut karya;

ca. Amati lelanguan : tan kadadosan maoneng-onengan, masuara ghora, maklecan lan sapanunggilan ipun;

ra. Amati lelungan : tan kadadosan malancaran ngalintang pameswan;

- (3) Pabratan inucap kamargiang sarahina saking dawuh enem semeng ngantos dauh enem semeng benjang nyane;
- (4) Sang mamurug kecaping ajeng keni pamidanda manut pararem;
- (5) Riwus rahina Nyepi (benjangne) maka cihna pangawit Icaka warsa anyar, kawentenang masima krama utawi dharma santhi;
- (6) Pamargin palelastian makadi ring sor :
 - ha. Melasti kamargiang sinarengan, krama Desa Adat Mambal, ringtukad ayung Taman Beji Gumasih.
 - na. Rikala melasti kahenterang olih para juru Desa Adat Mambal
 - ca. Nyabran lima utawi tigang warsa melasti kamargiang ring sagara, sajabaning wenten kacuntakan utawi paetangan tios;

Palet 4

Indik Manusa Yadnya

Pawos 20

- (1) Manusa Yadnya inggih punika upakara-upacara, dharmaning manusa, ngawit sakingkamargiang dhamaning mapawarangan ngantos kamargiang upacara pawintenan;
- (2) Upacara kadi ring ajeng madudonan sakadi ring sor :
 - ha. Magedong-gedongan kamargiang risampun bobotane mayusa 6 sasih;
 - na. Duk Rare medal utawi embas (lekad rare);
 - ca. Kepus udel;

- ra. Roras dina;
 - ka. Tutug akambuhan (42 rahina);
 - da. Tigang sasih (3 sasih) ;
 - ta. Pawetuan/otonan (6 sasih);
 - sa. Tutug kelih (ngraja wadone, ngembakin lanange);
 - wa. Matatah/mapandes;
 - la. Mawiwaha;
 - ma. Mawinten;
- (1) Upakara-upacara inucap nista, madya utama manut sastra agama saha catur dresta, maka buatan desa dresta, ngawinang sima cara desa;

Palet 5

Indik Resi Yajnya

Pawos 21

- (1) Sang pacang madeg sulinggih, pandita pinaka sang sadaka, salwire jagi ngenterang yajnya patut masadok ring prajuru desa, kalih Parisadha Hindu Dharma Indonesia jagat Badung;
- (2) Prajuru desa patut nitenin tur wenang ngalengin prade wenten kaciha lempas ring kakecap miwah drestane, tur sareng nyaksinin upacara saha nyobyahang ring paruman desa tegap rawuhing wates kawenangan pangenter yajnya;

Pawos 22

- (1) Sang Sulinggih patut ngarihinan ngayomin pamargin upacara ring wawidangan Desa Adat Mambal, sasampun punika wawu muputang yajnya kajebar jagat tiosan utawi kadura desa;
- (2) Krama desa sareng nitenin katuntun antuk prajuru, mangda sahanan yajnya sane kamargiang kaicen pamuput olih sulinggih, pandita manut kawenangnya soang-soang;

SARGAH EMPAT
SUKERTHA TATA PAWONGAN

Palet 1

Indik Krama

Pawos 23

- (1) Sane kabawos krama desa inggih punika kulawarga sane magama Hindu jumenek ring wawidangan desa adat Mambal, saha ngamong karang desa utawi karang tiosan lan satinut ring uger-uger desa adat Mambal;
- (2) Krama Desa Adat Mambalwenten 3 (tigang) soroh:
 - ha. Krama ngarep utawi krama adat inggih punika kulawarga sanemagama Hindu sampun mawiwaha, tedun mabanjar adat saha mipil ring banjar adat lan ngamong karang desa utawi karang tiosan miwah nyungkemin kahyangan tiga saha sutindih ring desa adat Mambal;
 - na. Krama, tan ngarep, luwire :
 - 1) Silih tunggil kulawarga sane tan ngarep ring desa kemawon ring banjar kantun ngarep;
 - 2) Krama Paron : krama saking dura desa sane sampun masadok ring prajuru banjar lan desa, lan sampun madruwe tanah karang pumahan, tur sampun jenek ngawit 6 (nem) sasih nyantos 10 (dasa) warsa;
 - 3) Krama Panyade : krama sane mawiwit saking desaMambal sane sampun matilar dados krama adat desa adatsiosan, nanging waris ipun kantun ring Desa AdatMambalturmaning mawali malih dados krama desa adatMambal;
 - 4) Krama Pangele sapisira sane jenek tetep ring krama ngarep wiadin magenah ring palemahan desa adat;

- 5) Krama daa taruna inggih punika krama sane mayusa 15 nyatos 30 warsa sane durung marabian;
 - 6) Krama datu inggih punika krama sane mayusa lintangan ring 30 warsa tur nenten naenin ngamargiang kramaning alaki rabi nyantos lampus;
- (3) Krama Balu inggih punikakrama sane katinggalin sangkaning sane istri utawi sane lanang padem utawi sangkaning nyapihan. Krama balu kepah dados 4 (petang) soroh :
- ha. Balu makrambian : Balu sane sampun madruwe pianak cucu durung marabian;
 - na. Balu ngempu : Balu sane madruwe pianak kanton alit, utawibalu sane madruwe ayah penyade,ayah panyeledihi
 - ca. Balu ngantung : Balu sane nenten madruwe pianak utawi santanautawibalu sane tan madruwe ayah panyeledihi;
 - ra. Balu ngalintik : Balu sane nenten madruwe pianak, arta warisan lan sameton utawi balu sane tan madruwe ayah panyeledihi;

Pawos 24

Tata caraning ngaranjing dados krama desa :

- (1) Ngawit dados krama desa inggih punika :
 - ha. Sangkaning ngamong karang desa;
 - na. Mawiwit pawiwahan;
- (2) Panemaya tedun makrama desa :
 - ha. Nyabran paruman sasih kasangha saha majalaran antuk tatengeran arep ring krama sane ngamong ayahan desa;

- na. Marep ring krama désa sané mawit saking ngarangin, kasulurang manut pararem;
 - ca. Sapa sira ugi ngarangin ring karang desa wenang tedun makrama desa dados krama ngarep;
 - ra. Yan wenten krama pangele ngarangin ring karang pagunakaya makarya kamulan taksu dados nedunin makrama desa adat saha nawur batu batu manut perarem;
- (3) Sang saking séwosan désa/krama tamiuyaning sarengtedun makrama désa ring désa adat Mambal patutmadruwe sanggah kamulan taksu jangkep tur keni pecingkrem, sané agengalit nyané kasulurang manut pararem;
 - (4) Yan wenten krama saking séwosan désa sareng ngranjing makrama désa ring désa adat Mambal patut kadulurin antuk likita saking desa mulan nyane sané tegap lan jangkep;
 - (5) Tata titi caraning ngranjing makrama desa adat Mambal manut pararem;
 - (6) Tata caraning ngaranjing dados krama tamiu lan tamiu :
 - ha. Masadok ring Kelian Banjar manut ring pikamkam kadinasan;
 - na. Nawur prabeamanut pararem banjar utawi tempekan;

Pawos 25

Tategenan miwah swadarmaning krama desa adatluire :

- (1) Tategenan krama luire :
 - ha. Krama ngarep, keni urunan miwah ayahan mamungkul;
 - na. Krama balu, keni ayah manut kawonganya :
 - 1) Balu ngalintik, lanang utawi istri keni ayahanlanang utawi istri.
 - 2) Balu makrambian, lanang utawi istri sane madruwe santana lanang utawi istri sampun mayusa 18 warsa keni ayahan lan papeson mepek, nanging sane kantun ngranjing ngalantur, luput ayah-ayahan selami dereng marabian;

- 3) Balu nyapian, kadadosang luput papeson sakewanten keni ayah manut arah-arahan banjar/desa adat yening balu lanang ayah lanang, balu isri ayah istri;
- ca. Krama pangele, keni ayah-ayahan sakadi mararesik ring kahyangan tiga, banjar lan sane tiosan manut ring kawigunan;
- ra. Krama desa sane balu tua, duda tua, tan mrasidayang ngambil pakaryan, tan medruwe panyelidihi, krama punika luput ayahan lan papeson manut tatimbangan prajuru desa;
- ka. Jadma ubuh meme bapa luput ayahan, nanging yansampun mayusa 18 warsa kantun daha utawi truna keni ayahan lan papeson balu;
- da. Krama sane kantun ngaranjing, miwah krama sane muatang pawilangan kauripan utawi pangupa jiwa manut patitis awig ring ajeng, kadadosang numbas ayah, agung alit manut pararem;
- ta. Krama sane patut luput ayah miwah papeson desa adat, inggih punika :
- 1) Prajuru Desa Adat;
 - 2) Pamangku Kahyangan Tiga ;
 - 3) Para sulinggih lan pinandita
 - 4) Krama desa sane kainggilang linggihnyanemanut pararem;
- (2) Krama Desa Adat kadadosang:
- ha. Mapuankid utawi tan tedun ngayah makadi :
- 1) Ritatkala mapawangunan/nasarin ngerebin sanggah, piasan, bale daja, bale dangin, bale dauh, klumpu miwah pawon;
 - 2) Ritatkala mayajnya, ngotonin, nyakapang, masangih, mapasaksi, kicalan putra, sungkan lan patirtan;

- 3) Matepetin lan siosan, matepetin selami asasih;
 - 4) Mapuankid sungkan salami (tigang) dina, nenten dados medal, yaning sampun arahina kenak (seger) mangda masadok ring prajuru;
- na. Nyada mapiteges wusan ngayah, ri sampun mayusa 65 (enem dasa lima) warsa utawi lintang;
- ca. Mogpog, ngetut ayah saha papeson antuk brana, manutpararem, majeng ring krama desa sane magenah ring tiosan desa adat;
- ra. Panyeledihi nyade wiadin nyuksukin ayah ri sampun mayusa 18 (plekutus) warsa;
- (3) Swadharmaning Krama Adat, luwiré :
- ha. Satinut ring sadaging Awig-awig, Pararem lan pasuara désa adat;
- na. Tan maren sareng mautsaha, mangda désané prasida nyujur patitis ring ajeng;
- ca. Sayaga sareng natakin panes tis kértiyasan désa adat;
- ra. Keni paturunan, peson-peson lan ayahan mamungkul;
- ka. Muspa utawi mabhakti ring Kahyangan Tiga, sajabaning kacuntakan
- (4) Swadharmaning Krama Tamiu inggih punika :
- ha. Satinut ring tatiwak désa adat ngenanin indik ngupadi kasukertan désa adat ring sekala, niskala;
- na. Tan dados nungkasin kértiyasan désa adat.
- ca. Patut masadok ring kelian banjar ritatkala narima tamiu nyantos lintangan ring 24 jam;
- ra. Ngaturang punia lan ayah ring parhyangan manut kabuatan;
- (5) Swadharmaning Tamiu, inggih punika :
- ha. Satinut ring tatiwak desa adat ngenanin indik pawongan lan palemahan;
- na. Tan dados nungkasin kertiyasan desa adat manut perarem;

- ca. Patut masadok ring kelian banjar ritatkala narima tamu nyantos lintangan ring 24 jam;
- ra. Keni punia manut pararem;

Pawos 26

Kapatutan Krama Adat, Krama Tamiu lan Tamiu :

(1) Kapatutan Krama Adat sakadi ring sor :

- ha. Polih pasayuban saking desa;
- na. Polih kasukertan miwah kasucian déwék, parhyangan miwah karangnyané;
- ca. Polih kasukertan padruwén nyané sowang-sowang;
- ra. Ngamedalang usul ritatkala wenten paruman ring desa sane mabuat;
- ka. Dados prajuru ring banjar utawi desa;
- da. Polih pamutus saking prajuru ritatkala wenten wicara;
- ta. Polih laluputan manut pararem;

(2) Kapatutan Krama Tamiu :

- ha. Patut madana punia ring desa / banjar adat, manut pararem;
- na. Polih pasayuban marupa pitulung rikañjekan katibén pañcabhaya;
- ca. Polih pamutus saking prajuru ritatkala wenten wicara;

(3) Kapatutan Tamiu :

- ha. Patut madana punia ring desa / banjar adat, manut pararem;
- na. Patut polih pasayuban marupa pitulung rikañjekan katibén pañcabhaya;
- ca. Polih pamutus saking prajuru ritatkala wenten wicara;

- (4) Silih sinunggil krama désa adat, krama tamiu lan tamiu tan kadadosang ngajak wong wadon tuna susila ngranjing miwah ngarerep ring wawidangan désa adat, sapasira ugi sané piwal, patut keni pamidanda manut pararem;
- (5) Krama desa adat, krama tamiu lan tamiu tan kadadosang makta, nganggen, madruwe sarana, sane tan manut ring uger-uger guru wisesa, sapasira ugi sane piwal, patut keni pamidanda manut pararem;
- (6) Katreptian desa adat kegambel olih pecalang lan sane wenang manut petitis guru wisesa;

Pawos 27

Wusan dados krama désa :

- (1) Sangkaning :
 - ha. Séda/lampus;
 - na. Pinunas ngaraga,menawi kesah kadura desa utawi ngalangkungin sagara;
 - ca. Kanorayang, malantaran piwal ring awig-awig miwah pararem désa, utawi tan satinut ring pituduh prajuru sajeroning indik nyupat sikian, minakadi nénten prasida ngeséhin prawertimanut pararem;
- (2) Sang wusan dados krama désa taler kabawos wusan makrama banjar, mangdanenten kabawos empak ngulanting;
- (3) Sang wusan dados karma desa patut ngaturang karang ayahan kadesa adat:
- (4) Sang wusan dados krama désa tan polih pah-pahan druwen désa sajawaning pah-pahan padruweyan ring banjar manut perarem, tur tan polih pasayuban malih sajeroning ala-ayu;
- (5) Sang kanorayang dados malih tedun makrama désa yaning sampun maseh parisolah ipun tur malarapan antuk katerima ring banjartempekan , banjar adat,lan paruman desa adat, maweweh pamogpog manut pararem;

- (6) Prade sangkaning rahayu, polih likita bukti patilar saking prajuru desa;

Pawos 28

Ayah-ayahan krama.

- (1) Satunggil krama, manut paetangan nyane, keni ayah-ayah sekadi ring sor :
 - ha. Ayahan utama inggih punika ayah sane kamargiang olih krama sane ngamargiang swadharma ekajati miwah dwijati.
 - na. Ayahan ngarep inggih punika ayah sane kamargiang olih krama sane dados krama adat, sane jangkep alaki rabi. Ayahan ngarep mapiteges paturunan, peson-peson miwah ayahan mamungkul;
 - ca. Ayahan balu inggih punika ayah sane kamargiang olih krama balu sekadi ring sor :
 - 1). Balu makrambian, keni ayah lan urunan aparo;
 - 2). Balu ngempu, keni ayah lan urunan aparo;
 - 3). Balu ngatung, tan keni ayah, nanging keni urunan aparo;
 - 4). Balu ngalintik, luput manuk;
 - ra. Ayahan daa taruna luput manuk;
- (2) Soang-soang ayahan punika wantah kamargiang siki kemanten, manut kawentenan krama inucap;
- (3) Sahananing krama sané sampun munggah daa truna, soang-soang patut sareng ngayah sané kawastanin ayah daa truna;
- (4) Ayah daa truna punika kapupulang sajeroning sekaa truna;
- (5) Sekaa truna punika patut wénten ring soang-soang banjar adat luire;
 - ha. Sekaa Teruna Santhika Dharma Banjar Adat Mambal Kajanan ;
 - 1) Sekaa Truna Santhika Dharma Tempekan Mambal Kajanan;

- 2) Sekaa Teruna Santhika Dharma Tempekan Trijata;
 - 3) Sekaa Truna Santhika Dharma Tempekan Gumasih
- na. Sekaa Teruna Dharma Santhi Banjar Adat Kelodan;
- 1) Sekaa Teruna Ambara Tempekan Agung;
 - 2) Sekaa Teruna Mekar Sari Tempekan Lebah Sari;
 - 3) Sekaa Teruna Eka Cita Tempekan Undagi;
- (6) Krama Adat wenang nyada ayah, sané mateges mademang ayahan, yan sampun kapastika, luwiré :
- ha. Sungkan tahunan;
- na. Yan sampun madruwe pangentos utawi panyeledihi;
- ca. Risampun mayusa 65 warsa;
- (7) Krama Adat kadadosang :
- ha. Mapuankid utawi tan tedun ngayah / parum :
- 1). Rikala nangun yajnya, kaluwasan masengker déwasa;
 - 2). Keni dadawuhan saking Guru Wisésa;
 - 3). Kapialang, luwiré : sungkan, matepetin, kalayusekaran, lan sakancan punika;
- na. Dados nyudi patajuh (kawakilang) ring warga/krama tiosan, sané sampun munggah daa truna;
- ca. Dados mogpog utawi nutug ayahan antuk arthabrana utawi ngampel, pradé makarya ring dura désa;

Pawos 29

Tata titi Krama Desa, Krama Tamiu lan Tamiu, sane nampi krama tamiu utawi tamiu :

- (1) Krama Desa adat, krama tamiu utawi tamiu sané nampi krama tamiu utawi tamiu jantos marerepan :
 - ha. Mangda masadok ring kelian banjar, arahina saking ngawit marerepan ring genah sang narima;
 - na. Yaning krama tamiu utawi tamiu punika madunungan rawuh asasih, kelian banjar patut nuréksain kabuatan nyané madunungan, keadungang ring ilikita sané nyinahang kabuatan ipuné;
- (2) Yening kabuatannyané tan manut ring sané katinasang, kelian banjar wenang ngawaliang krama tamiu utawi tamiu punika;
- (3) Yaning krama tamiu utawi tamiu punika jenek rawuhing nem sasih taler durung kasadokang, krama desa utawi tamiu sané nampi patut keni pamidanda manut pararem;

Palet 2**Pamucuk Desa****Pawos 30**

Pamucuk Desa Adat inggih punika :

- (1) Sabha Desa;
- (2) Kertha Desa;
- (3) Prajuru Desa;

Sabha Desa**Pawos 31**

- (1) Sabha Desa, inggih punika paruman desa sane taler kabawos paruman agung desa adat sane kamiletin antuk krama maka sami miwah prajuru adat sami sane matatujon pacang nepasin sahananing wicara sane mawiwit saking awig-awig lan sane mapakilitan ring tata adat, agama, budaya miwah sahananing pidabdab pewartungan ring desa adat sane muatang pamutus ring sajeroning paruman agung;
- (2) Manut makadi dresta sane manggeh ring adat, sahananing pamutus-pamutus sane kamedalang tur kamanggehang ring desa adat dumogi panglaksanaan adat-istiadat prasida mamargi ajeg patut kaputusing ring sajeroning paruman desa sane mawasta sabha desa;

Kertha Desa**Pawos 32**

- (1) Kertha Desa inggih punika genah prajuru desa lan krama desa adat nunas dharma tatimbang yening wenten nepasin daging awig-awig;
- (2) Swadharma Kertha Desa, wenang mapaica saluwuring dharma tatimbang ring prajuru desa, makadi :
- ha. Indik prajuru desa sane singsal ngamargiang awig - awig;
 - na. Indik krama desa sane pacang nguwah nguwhin awig-awig desa adat;
 - ca. Indik wenten wicara ring desa adat sane kasungguh perkara;
- (3) Kertha Desa patut ngicenin dharma tatimbang lan ngawantu prajuru desa lan krama desa yening wenten pikobet indik pamargin awig-awig, wicara-wicara sane mapakilitan ring desa adat;

Tatacara Ngadegang Kertha Desa

Pawos 33

- (1) Kertha Desa akeh nyane 3 diri;
- (2) Sane dados kadegang Kertha Desa luwirnya :
 - ha. Mawiwit saking krama desa;
 - na. Wikan ring hukum adat, agama lan hukum nasional;
 - ca. Ritatkala kacawis, mayusa sakirangnya 40 warsa;
 - ra. Kasudi olih Prajuru Banjar Adat, suwen nyane dados Kertha Desa 5 warsa;

Prajuru Desa

Pawos 34

- (1) Sane kasinanggeh Prajuru Desa inggih punika :
 - ha. Bandesa;
 - na. Patajuh/Pangliman;
 - 1) Petajuh / Pangliman Baga Parahyangan;
 - 2) Petajuh / Pangliman Baga Pawongan;
 - 3) Petajuh / Pangliman Baga Palemahan;
 - ca. Penyarikan;
 - ra. Patengen;
- (2) Prajuru Desa patut :
 - ha. Mawiwit saking kramadesasane wikan ngagem agama Hindu, sampun marabian, uning ring aksara bali lan latin, miwah madruwe pikahyun ngayah;
 - na. Waras lan tan cacad angga pramana;
 - ca. Maparilaksana becik lan nenten cacad hukum;
 - ra. Jujur, pradnyan, wicaksana lan madruwe pangunadika, lascarya ngayah;

Tatacara Ngadegang Prajuru Desa

Pawos 35

(1) Tatacara Ngadegang Prajuru Desa :

- ha. Kawentenang prawartaka pemilihan prejuru anyar, mawiwit saking soang-soang Banjar Adat tigang diri, lan angga Kerta Desa;
- na. Soang-soang Banjar Adat patut ngamedalang 3 (tiga) calon Bandesa mawiwit saking krama desa;
- ca. Calon prajuru saking soang-soang banjar adat kaselehin antuk prawartakapemilihan, yening wenten calon sane tan manut ringgaguat sane kamanggehang, prawartaka karya dados ngawaliang calon ring banjar adat sane ngamedalang;
- ra. Pemilihan kamargiang olih prawartaka;
- ka. Calon sane kacawis wenang nyudi pangabih nyane;

(2) Prajuru Desa kadegang 5 warsa apisan olih paruman agung desa adat ;

(3) Prajuru sané wawu kapilih kaupasaksiang ring Pura Bale Agung;

(4) ✓ Sajawaning wénten parindikan sios, sang sampun puputing panumaya dados prajuru, dados kapilih malih apisan;

(5) Prade Bandesa Adat mararyan, sadurung panumayan ipun, swadarman nyane kamargiang olih pangliman utawi petajuh manut sekadi undagan baga ring arep(manut pawos 35 , palet 1, na)rawuh puputing sengker;

Pawos 36

(1) Ritatkala ngamargiang kasukerthan desa adat, Bandésa kawantu olih :

ha. Pangliman/Patajuh, pinaka Wakil Bandésa;

na. Panyarikan, pinaka Juru Surat;

- ca. Patengen, pinaka pangamong druwén désa;
 - ra. Kelian-kelian banjar adat;
 - ka. Pecalang sane nreptiang pamargi ritatkala wenten karya adat, budaya lan agama Hindu;
- (2) Ritatkala ngénterang kasukertan ring niskala, Bandésa patut masinggihang Pamangku Kahyangan Tiga;
- (3) Indik tata titi ngadegang pecalang, swadarmalan patitis ipun, kamanggehang manut pararem;

Pawos 37

- (1) Swadharmaning Bandésa Adat, inggih punika :
- ha. Ngénterang paruman-paruman désa adat;
 - na. Ngénterang panglaksanaan sadaging awig-awig miwah pararem desa adat lan pamutus-pamutus paruman krama désa;
 - ca. Nudonang tata-titiné migunayang arta brana druwén désa;
 - ra. Nuntun saha ngénterang krama désa rawuhing warga désa sami, ngupadi kasukertan desa adat sekala lan niskala madasar patitis sane sampun kamanggehang;
 - ka. Nuntun saha nyaksi upacara sangaskaraning kahuripan sané mabuat;
 - da. Nuntun saha ngénterang warga désa, nginggilang Agama Hindu, kasucian kahyangan, kasucian palemahan, kasucian pawongan, miwah tata-titiné migunayang sétra;
 - ta. Mawosin miwah niwakang pamutus marep ring wicàra krama;
 - sa. Maka duta désa adat, matemuang babawos ring sapa-sira ugi;
 - wa. Lan sané séwosan sané wénten pakilitannyane ring désa adat;

- (2) Tata-titiné ngalaksanayang swadharma inucap ring ajeng, tan maren patut satinut ring daging awig-awig, pararem, dresta miwah pamutus paruman krama désa adat;
- (3) Panglaksanané ring ajeng patut kasobyahang ring désa adat, kapungkur ipun;
- (4) Sumakuta utawi sumanggup natak pamutus paruman krama désa adat, ngenenin swadharman sowang-sowang prajuru;

Pawos 38

Swadarman Patajuh inggih punika ngawantu bandesa ring widang parhyangan, pawongan lan palemahan;

Pawos 39

Swadarman Penyarikan inggih punika ngawantu bandesa ngaryanin saluir sewalapatra, nyatet inventaris desa, macak krama tur nyuratang saluiring pamutus pangrawos desa ring sangkepan;

Pawos 40

Swadarman Patengen inggih punika ngawantu bandesa ngaryanin utawi ngarincik sakaluwir pangranjing miwah pamedal jinah desa adat lan ngupapira padruwen desa adat;

Pawos 41

Swadarman Pecalang Desa inggih punika ngawantu bandesa nreptiang pamargin upakara yadnya, dharmaning Agama lan dharmaning negara;

Pawos 42

Patias utawi olih-olihan lan laluputan pamucuk désa adat kamanggehang manut pararem;

Pawos 43

- Wusan dados Pamucuk Désa Adat, sangkaning :
- (1)
 - ha. Padem /lampus (lanang utawi istri)
 - na. Pinunas ngaraga wit saking pakahyun rahayu;
 - ca. Swadharmannyane sampun puputing sengker;
 - ra. Kawusanang / kanorayang olih krama désa duaning
iwang pamargi, manawi nilar sesana;
 - (2) Ngentosin, ngwusanang utawi nganorayang pamucuk désa
adat, patut kamargiang sajeroning paruman agung désa adat;

Pawos 44

Patias utawi olih-olihan prajuru desa luire :

- (1) Luput rarampen (peson-peson)manut perarem;
- (2) Polih patias artha-brana manut pararem;
- (3) Patias siosan manut pararem;

Palet 3**Indik Kulkul****Pawos 45**

- (1) Kulkul punika maka piranti banjar lan desa adat miwah cihna
pasikian kahyun ritatkala ngalaksanayang pasuka-duhkan;
- (2) Kulkul ring desa luire :
 - ha. Kulkul desa;
 - na. Kulkul Pura;
 - ca. Kulkul banjar adat;
 - ra. Kukul tempekan;
 - ka. Kulkul sekaa-sekaa;

(3) Tabuh tatepakan kulkul desa:

ha. Atuludan lamban, tatengeran tedun ngayah;

na. Atuludan bulus, tatengeran kapancabhaya;

- 1) Atulud ngambat, kahanan genibhaya;
- 2) Atulud, kahanan bhaya kamalingan;
- 3) Kalih tulud, kahanan erbhaya utawi blabur agung;
- 4) Tigang tulud, kahanan bhaya amuk
- 5) Atulud ngambat ngalantur, bhaya sampun prasadha katulungin, utawi kulkul pangurung karya;

(4) Tengeran kulkul ring soang-soang banjar adat utawi tempekan:

ha. Kalih tulud bulus, tatengeran ngrorod (nganten);

na. Kulkul kalayu sekar :

- 1) Atulud lamban, tengeran mitahuang;
- 2) Kalih tulud lamban selantur ipun, nedunang Tempekan;
- 3) Wong ngelayat, atulud mimbuh tung-tung-tung;
- 4) Krama magebag, suaran kulkul manut pawilangan jam;

ca. Kukul Rare medal/embas:

- 1) Rare lanang embas : tung, tung, tung;
- 2) Rare istri embas: tung, tung;

ra. Kukul piodalan, mahayu -hayu piodalan, tung, ting ngompang ;

(5) Suaran kulkul kahanan bhaya, patut katanggurin olih sowang-sowang banjar sakuwub desa adat Mambal, tur kramane patut nedunin saha babaktan manut pasuaran kulkul;

Pawos 46

- (1) Kulkul Desa utawi Banjar tan wenang katepak yening tan sangkaning pituduh prajuru , sajawaning tengeran kapancabhayan;
- (2) Sang nepak tan sangkaning pituduh patut digelis atur supeksa maka buatan panepake, yan tan sapunika wenang sang mamurug kadanda manut parerem;
- (3) Kulkul sekaa-sekaa, samalih kulkul pondokan tan kalugra nyawerin sukat utawi tengeran kulkul desa lan banjar prade mamurug kadanda manut pararem;

Palet 4**Indik Paruman****Pawos 47**

- (1) Paruman/sagkepan ring Desa Adat Mambalwenten :
 - ha. Paruman desakawentenang :
 - 1) Nyabran ngasasih, maka cihna tan paarah-arrah, duaning sampun tetep panumaya manut pararem;
 - 2) Napkala (patgata kala) maka jalaran arah-arrah manut tatujon;
 - na. Sangkepan prajuru desa, kawentenang manut wiguna;
- (2) Pamargin paruman desa madudonan sakadi ring sor :
 - ha. Paruman sidha lumaksana risampun kateduninolih kramalintangan ring atenga utawi aparo;
 - na. Prasida lumaksana risampun katedunin antuk sang patut ngamiletin parum, kamanggala antuk tengeran kulkul miwah mabusana adat, saha tan kalugra makta gegawan lan tan maren ngarcana ring Ida Bhagawan Penyarikan maka sarana widhi widana cane;
 - ca. Maka sarana jagi pangawit kalaksanayang sep-sepan;

- ra. Tan kalugra ngawetuang suara ghora utawi byuta prade wenten sekadi punika patut keni danda marupa bea pecamil makadi dandaning nguman-uman ring sabhamanut pararem;
- ka. Pamutus babawos ring paruman mangda briyuk sapanggul (ingkup) sane kamanggehang;
- da. Krama utawi panyungkem sane tan ngarawuhin paruman patut kadanda manut pararem;
- ta. Krama utawi panyungkem sane tan ngarawuhin, nanging sampun masadok ring prajuru nenten kasisipang;
- sa. Krama sane kalugra tan ngarawuhin paruman luih ipun : krama sane sungkan, matepetin sungkan, kaluasan, kapialang kapademan, ngawentenang karya pasukadukan, nanging patut masadok ring prajuru;
- wa. Sahananing keputusan kasinanggeh sah, risampun kasungkemin gilik saguluk utawi musyawarah mufakat, manut tatwa agama miwah piteket guru wisesa;
- la. Tatepasan taler kamanggehang pastika, risampun kacumponin kalih pah tiga saking pamilet parum, saha manut tatwa agama miwah piteket guru wisesa;
- ma. Prade daging paruman tan kacumponin mangda prajuru desa/banjar ngilikang babawos, saha putusan nyane mangda kararemang antuk krama desa/banjar, samaliha prade tan prasida kasungkemin rawuh ping tiga, prajuru banjar wenang nunas bawos ring kertha desa manut undagan luih kamanggeh paingkupan prajuru, ngraris panglingsir, panguntat paruman;

Pawos 48

- (1) Sajeroning paruman desa, Bandesa Adat patut nyobyahang pamargi ngenterang desa, pamekas nganinin indik:
- ha. Munjuk lungsuring pakraman saha ayah-ayah, sulur artha brana druwen desa;
- na. Rencana prajuru nganinin usaha desa kapungkur;
- (2) Pamutus paruman desa sinanggeh pararem maka pamitegep pamargin awig-awig;
- Waneng Paruman :
- (3) ha. Paruman krama desa sakirang-kirang ipun 5 (lima) warsa apisan, kebawos paruman agung utawi sabha desa, gumanti matatujon pacang nguwah-nguwuhin awig-awig, rancana pawangunan ring desa miwah sane siwosan manut kawigunan ipun;
- na. Paruman satunggil ngawarsa nuju dina ngembak genimawosang munjuk lungsur krama desane miwah sane sewosan manut kawigunan ipun;
- ca. Paruman ngasasih mawosang druwen desa miwah sane sewosan manut kawigunan ipun;
- ra. Paruman nadak riantuk wenten babawos mabuat;
- (4) Paruman Prajuru kawenanganya wantah ngarincikang pangerencana usaha desa kapungkur. Tan kawenang ngawedalang tategenan ring krama sadereng kaingkupin antuk krama desa. Pamutus sangkepan prajuru, ngawetuang pasuara maka pidaging pituduh sang ngawa wenang utawi ngonekang pecak pararem krama desa;

Pawos 49

Panglaksanaan paruman :

- (1) Ritatkala paruman, tan maren ngarcana ring Ida Bhagawan Penyarikan maka sarana widhi widhana, canang utawi cane;

- 2) Maka ciri jagi ngawitin parum, kauncarang pangastungkara
 3) panganjali : Om Swastyastu ;
 4) Genah parum patut ring bale banjar utawi bale desa;
 5) Paruman mamargi langkungan ring ping tiga taler tan
 6) ngamedalang pamutus, prajuru mangda nunas bawos ring
 kertha desa utawi ring sang rumawos;
 Tatepasan paruman maka pamiteges patut kasurat, tur
 kasiarang ring krama ritatkala parum punika;
 Sasampun wusan mababawosan patut kapuputang antuk
 ngrastiti majalaran mantram parama santhi;

Palet 5

Indik Padruwen Desa

Pawos 50

- 1) Padruwen Desa AdatMambalsakadi ring sor :

ha. Kahyangan Desa :

- 1) Kahyangan Tiga :

ha) Pura Desa ;

na) Pura Puseh ;

ca) Pura Dalem lan Prajapati

- 2) Palinggih siosan :

ha) Palinggih penanggun desa

na) Palinggih penyangkem setra/pempatan
agung;

na. Wantilan;

ca. Karang ayahandesa, makweh nyane213karang, manut
lepihan 1 ;

ra. Setra-setra desa adat Mambal :

- 1) Setra Pakingsan;
 - 2) Setra Gede;
 - 3) Setra Alit, Setra Tunon;
 - 4) Indik setra manut lepihan 2;
- ka. Palabha pura,minakadi sawah carik miwah tegal manut lepihan 3;
- da. Lelanguan, minakadi ilen-ilen wali pura, tatabuhan padruwen banjar utawi tempeken;
- ta. Lekita-lekita, luwire pipil krama, awig-awig, paswara/pararem lan sane siosan;
- sa. LPD;
- wa. Usaha Desa Adatmakadi warung utawi kios;
- la. Nyasa, sasanthi desa adat Mambal;
- ma. Miwah sane lianan;
- (2) Olih-olihan Desa Adat Mamballuire :
- ha. Olih-olihan saking palabha pura sanemarupa tanah tegal miwah sawah;
- na. Urunan krama Desa Adat;
- ca. Wantuan saking Guru Wisesa;
- ra. Dana pewangunan saking LPD;
- da. Dana punia tiosan, sane patut;

Pawos 51

- (1) Prajuru Desa wenang ngetangang pamupon labha pura lan sapanunggilan druwen desa;
- (2) Pikolih lan pamuponnyane kanggen prabea piodalan lan wawangunan ring pura;
- (3) Nyabran paruman desa, prajuru pangamong druwen desa ngawentenang atur piuning indik munjuk lungsuring padruwen desa;

(4) Saluwiring druwen desa patut wenten ilikitan nyane;

Palet 6

Indik Panyanggran Banjar

Pawos 52

Krama desa rikala karya suka-duhka, patut kasanggra antuk banjar luwire :

- (1) Prade ngawangun karya pitra yajnya utawi manusa yajnya, manut pinunas sang mayajnya;
- (2) Pangrombo utawi karya gotong-royong krama nganti ping tiga, salangkungan punika patut katuran pangu;
- (3) Pangu rikala pitra yajnya anut abot yajnya, prade saking semengan nganti wengi, katuran pangu ping kalih;
- (4) Krama desa sane ngawangun karya yadnya minakadi dewa yadnya, rsi yadnya, pitra yadnya, manusa yadnya, bhuta yadnya dados nunas panyanggra ring krama banjar utawi tempekan;
- (5) Krama sane ngawangun karya yadnya kadi kecaping (1) patut masadok ring prajuru;

Pawos 53

Sukertaning banjar mebat :

- (1) Rikalaning mebat ring banjar, tan wenang nyeceb utawi nyicipin sawawaning sane ngadonang muah sang sane kanikayang olih sane ngadonang indik nyicipin rasan ebat;
- (2) Yen wenten jadma maling ulam matah, nyeceb ebat sawawanin kadi kecap ring ajeng, patut kadanda manut pararem;

Palet 7
Indik Pawiwahan
Pawos 54

- 1) Pawiwahan inggih punika patemoning purusa kalawan pradana malarapan panunggalan kahyun suka citta kadulurin upasaksi sekala-niskala;
- 2) Pamargin pawiwahan luire :
 - ha. Pepadikan, kamanggala antuk pakrunan;
 - na. Ngarorod, ngrangkat rihin wawu kakrunayang;
 - ca. Nyeburin utawi santana nyeburin;
- 3) Pidabdab sang pacang mawiwaha patut :
 - ha. Sampun manggeh Daa Truna (prasida nganutin Undang-Undang Perkawinan);
 - na. Sangkaning pada rena, (tan kapaksa);
 - ca. Kasudiang (Sudhi Wadhani) prade pangambile sewos agama;
 - ra. Nganutin kecaping sastra agama (tan gamia-gamana);
- 4) Pamargin pawiwahan pepadikan ritatkala pangambilan utawi amet pinet wenang kesaksiang olih Prejuru Adat lan Dines.
- 5) Yening nenten wenten upasaksi sakeng prajuru adat lan dinas pet prade wenten kepialang(seda) silih sinunggil sang pradana nenten katampenin ring desa adat Mambal.
- 6) Pemargin pawiwahan ngarorod ritatkala ngrangkat ring sewalapatra (surat) sane kekaryanang sang kalih patut wenten lingga tangan prajuru Dines lan Prejuru Adat sakeng purusapinaka saksi.
- 7) Pamargin pawiwahan mangda nganutin Undang-Undang Perkawinan saking sang ngawiwenang;

Pawos 55

- 1) Pawiwahan manggeh sah yening sampun ngalaksanayang :

- ha. Sampun kamargiang pabiakala lan pasakapan tur kasaksiang sekala-niskala;
- na. Wenten pasaksiprajuru sane mapakelingan utawi ngilikitayang pawiwahan;
- ca. Sampun matengeran suaran kulkul;
- Pawiwahan sane kabawostan sah luire ;
- ha. Natab upakara sangkaning papaksan;
- na. Sinalih tunggil tan rawuh utawi tan wenten ring genah natab;
- ca. Nenten wenten tri upasaksi miwah ilikita;
- Pawiwahan sane nenten kepatutang
- ha. Pawiwahan Gamia-gamana;
- na. Baduwasa inggih punika sanggama wadon sareng wadon, lanang sareng lanang;
- ca. Yening mamurug ngamargiang pawiwahan makadi ring ajeng keni pamidanda manut pararem;

Pawos 56

- (1) Sapa sira ugi pacang ngawarangan pakulawarganya patut masadok ring prajuru, salanturnyane prajuru maritatas, manut tan manut pamargi pawiwahan ;
- (2) Pamargin Papadikan manut dudonan;
- ha. Pakrunan rawuh ping tiga, saha soang-soang malarapan :
- 1) Kapratama antuk canang;
 - 2) Kaping kalih antuk canang lan pejati ;
 - 3) Kaping tiga, antuk tipat bantal, kabawos pamuput papadikan;
- na. Risampun mapragat raris sang istri kajak budal ring pakubon sang lanang, saha kalanturang antuk pabiakala;

Mangda puput tumus sekala niskala raris kulawarga
purusa makta pejati ring mrajan wadone;

Prade Ngarorod/Ngarangkat patut:

Reraman lanange ngawentenang pamalaku antuk duta
saksi sakirangnya 2 (kalih) diri;

Pagenahan antene tan kengin ring pakubon sang lanang
sadurung mabiakala;

Sajeroning pakrunan/panglukuan patut :

Kamanggala antuk geng pangampura, majeng ring
reraman wadone;

Kaigumang bawos indik idih-pakidih utawi palegayan
arep ring pasewakan sang ngidih saha dewasa
pakrabkambeyane wekas;

Kacihnayang indik kapurusa utawi prade santana rajeg
kajejerang, kapatut ngidih anak lanang sane kabawos
pawiwahan nyeburin, tur risampun sulur pamerasan
kategepin kamanggehang santana nyeburin;

Prade tan terima, pejati pakrunan kamargiang jantos ping
tiga;

Pakrabkambean mapiteges upacara tinas apadang (tinglas)
apikuren, duaning manut sakadi ring sor :

1) Sajeroning kabawos ambe, kalaksanayang ring sekala
niskala antuk sarana jajauman miwah pawidhi widhana :

1) Jajauman pinaka ngambe/ngadungang kahyun
soang-soang pakulawargan wadonne;

2) Widhi widhana pinaka pejati niskala nunas wadone
ring pamrajan kamulannyane;

2) Sajeroning bawos kerab kambe palaksana ring sekala :

1) Antuk penyaksi krama banjar, duaning kakerabin
manawi antuk tengeran kulkul;



- 2) Pamekas panyaksi prajuru saha ngilikitaang;

Palet 8

Indik Santana

Pawos 57

antana wenten kalih pawos, sane kaucap pratisantana miwah
 antana paperasan;
 pratisantana inggih punika santana sane metu saking
 pawiwahan kapatut;
 prade pawiwahan tan ngawetuang santana kengin ngidih
 antana maduluranupasaksi sekala niskala sane kawastanin
 antana paperasan;
 antana sane embas sadurung ngamargiang upacara
 pawiwahan kabawos babinjat, mangda tan kantun kawastanin
 babinjat utawi astra patut kamanggala antuk panyangaskara;
 antana rajeg inggih punika, pratisantana wadon (pradana)
 sane kamanggehang lanang (purusa) tur risampun ngalak-
 sanayang pawiwahan nyeburin;
 ang sane kaarsayang pinaka santana rajeg inucap mawiwit
 aking :

- 1a. Pratisantana wadon tunggal utawi silih sinunggil
 pratisantana wadon yaning makasami pratisantana
 wadon;
- 2a. Sampun kamanggehang dados pratisantana (purusa);
- 3a. Pawiwahan kaceburin, kautsahayang antuk jadma sane
 magama Hindu utawi jadma sane maagama siosan sane
 sampun nglaksanayang pamarisuda raga utawi sudhi
 wadhani;
- 4a. Sane kamanggehang santana rajeg patut masadok ring
 prajuru banjar tur kelian banjar nyiarang ring banjar
 saha ngaturang ring prajuru desa pakraman;



Pawos 58

Ngangkat santana anut dudonan patut maka cihna artha brana
pamerasan sane kasaksiang sekala niskala;

Sapa sira ugi krama pacang ngangkat santana patut masadok
ring prajuru adat sanistane asasih sadurung pamerasan;

Prajuru Adat/Bandesas Adat kawakilin antuk kelian banjar
adatnyobyahang ring sawidangan desa/banjar, manawi sang
sapa sira ugi rumasa tan lila, mangda masengker kalih wuku
sadurung pamerasan masadok ring Prajuru Adat/Bandesas
Adat;

Prajuru Adat/Bandesas Adat digelis mawosin saha ngicenin
pamutus nepek ring catur dresta miwah pararem;

Prade sulur pamerasan tan manut kecaping ajeng, prajuru
adat/bandesas adat wenang ngandeg sang pacang ngamargiang
pamerasan, saha ngicenin pamutus mangda kapuputang rihin
babawosan manut sulur utawi wicaran nyane;

**Pawos 59**

Paperasan sane kapatut ring desa adat Mambalrisampun maka
cihna :

ha. Widhi widhana pamerasan;

na. Kasaksinin antuk prajuru desa sane makelingang utawi
ngilikitayang;

ca. Kasobyahang ring wawidangan desane;

Sane kapatut peras anggen santana kadi ring sor :

ha. Jadma magama Hindu;

na. Kautamayang saking kulawarga purusa, prade tan
wenten kengin saking wadon, yaning taler tan wenten
wawu kengin sakama-kama sane magama;

- ca. Sinalih tunggil mawiwit saking kulawarga tunggal sanggah utawi mrajan, paibon lan dadia, utawi ngambil anak tios sakewanten sang magama Hindu, prade tios agama mangda kasulurang manut agama Hindu;
- (3) Kengin ngangkat santana langkungan ring adiri, lanang wiadin wadon;

Palet 9

Indik Nyapian

Pawos 60

- (1) Wusan mapikuren riantukan silih sinunggil lampus mapiteges balu, makadi balu lanang miwah istri;
- (2) Palas marabian sangkaning mawiwit wicara utawi sangkaning pada lila kabawos nyapian;
- (3) Sang ayat palas marabian patut atur supeksa indik pailikitan nyane rihin ring sang rumawos (Pengadilan Negeri) wastu tinas apadang pamutus nyane kabawos nyapian, wawu prajuru adat nyobyahang kawentenanya ring desa adat saha keni pangentos suran kulkul manut pararem;

Pawos 61

- (1) Tata cara palas marabian sakadi ring sor :
- ha. Nawur prabea pasaksi sinalih tunggil sami matenga;
- na. Pagunakayan polih pahan pada;
- ca. Pabekel tatadan soang-soang kakuasa niri-niri lan warisan kakuasa antuk purusa;
- ra. Ngaweruhin miwah ngupajiwan pratisantana manut swadarmaning guru rupaka;
- ka. Nawur pamidanda pangentos suaran kulkul manut pararem;
- da. Ngelung jinah bolong maka cihna palas marabian;
- (2) Prade riwekas sang palas kacihna adung malih, patut : ngamargiang pawiwahan malih;

Pawos 62

Sang balu kabinayang dados :

ha. Balu luh wit santana (santana rajeg) miwah balu luh boya santana;

na. Balu muani kapurusa (wit santana) kapurusa miwah balu muani nyeburin (boya santana nyeburin);

Swadarmaning balu inucap patut :

ha. Ngamanggehang patibrata tan kengin ngamargiang paradara miwah drati krama;

na. Nguwasayang waris gunakaya, tan dados ngadol, ngadeang, makidihang lan siosan punika, sajawaning sampun kabebasaning saking pianak utawi kulawarga pinih tampek saking parabiane prade putrane kantung alit-alit;

ca. Kengin ngidih santana prade wenten pidabdab sadurung silih sinunggil lampus, saha kabebasaning antuk kulawarga sinanggeh kapurusa;

ra. Kawenangang mawiwaha malih yan wenten kabebasan manut aksara ring ajeng;

Balu kaucap tan pageh sakadi ring sor :

ha. Drati krama utawi paradara;

na. Matilar saking pakubon tan pasadok jantos 6 (enam) sasih;

ca. Lempas ring swadarma sios-siosan tan prasida ngeschin solah maprawerti arep ring pituduh kulawarga purusa;

Palet 10**Indik Warisan****Pawos 63**

Warisan inggih punika artha brana saha ayah-ayahan ngupadi sukerta sekala niskala saking keluhuranya arep ring santananya.

Sane kasinanggeh warisan luire :

- ha. Druwe tengah, makadi tegal ayahan desa, kahyangan, pasuka siwa karang, lan sane siosan;
- na. Pagunakaya, tatadan/jiwa dana, hutang piutang; Wawu kengin kabawos warisan prade wenten :
- ha. Sang mapiturun (pawaris);
- na. Katurunan (ahli waris);
- ca. Artha brana tategenan (ayah-ayahan) maka cihna warisan;

Pawos 64

Ahli waris, luire :

- ha. Pratisantana purusa.
- na. Pratisantana (santana rajeg);
- ca. Santana paperasan lanang/wadon);

Prade tan wenten sakadi ring ajeng kang sinanggeh ahli waris :

- ha. Turunan purusa pernah ngunggahang makadi rerama, lanang, pekak, selanturnia, rerame misan, mindon;
- na. Turunan purusa pernah ke samping makadi kaponakan dimisan miwah mindon;

Swadarmaning ahli waris patut :

- ha. Narima, saha ngutsahayang tetamian pahan kaluhuran nya, makadi ngempon sanggagh/mrajan, pura, saha pangupakarnya miwah ayah-ayahan pawaris;
- na. Ngabenang pawaris saha nglanturang upakara-upacara pitra yajna salantur nyane;
- ca. Nawurin hutang-hutang pawaris manut panglokika;

Pawos 65

ngguwing pangepahan waris kawaris ring desa adat/ kamargiang
kadi ring sor :

Risampun kalaksanayang pitra yadnya lan hutang-hutang
pawaris buntas katawur, wawu warisan dados kaepah;
Ahli waris sami polih pahan sangkaning pagunakayan, saja-
waning karang, tegal ayahan desa kaemong antuk ahli waris
sane kasinanggeh krama ngarep;

Sinalih tunggil ahli waris kengin tan polih pahan prade :

- ha. Nilar kawitan lan sesananing agama;
- na. Alpaka guru rupaka;
- ca. Santana rajeg kesah mawiwaha utawi pratisantana
nyeburin soang-soang kabawos ninggal kadaton;

Boya ahli waris, kengin muponin hasil warisan manut
dudonan, luire :

- ha. Santana luh, selami durung kesah mawiwaha, utawi
alpaka guru, prade madruwe pianak tan kaangken antuk
wong tua rare inucap, kengin ngawaris pagunakayan
jadma sane luh punika kemawon;
- na. Balu luh wiadin muani nyeburin (soang-soang boya
santana);
- ca. Mulih daha utawi taruna, riantukan ring pawiwahane
pecak sampun kabawos ninggal kedaton;

- 1) Pawaris kengin maweweh ri kala maurip pinaka jiwa dana,
tatadan utawi bekel, maka cihna paweweh tetep ring okane
sane kesah mawiwaha;

Pawos 66

- 1) Prade sajeroning pakulawargan wenten ahli waris langkungan
ring adiri patut :

- ha. Kawentenang paigum indik pedum waris inucap;
- na. Yan tan prasida kaputusing, tunasang tatimbang ring
dulun desa;

Prade taler tan wenten cumpu ring panepas dulun desa,
 patut kedawuhang ring kertha desa prade taler tan
 kacumponin, kengin katunasang ring sang rumawos
 (Majelis Alit, Majelis Madya lantur Majelis Utama miwah
 Pengadilan Negeri).

Prade karang inucap kaputungan, patut prajuruutawidulu
 desa nibakang ring :

ha. Sang kasinanggeh ahli waris manut pawos 64;

na. Sang kengin kanggen santana manut pawos 57;

ca. Prade taler tan wenten cumpu ring panepas kertha desa,
 kengin kautsahayang ring sang rumawos (Majelis Alit,
 Majelis Madya, Majelis Utama miwah Pengadilan Negeri);

Prade jantos karang desa kepah utawi kasepih, patut soang-
 soang nedunin makrama adatngarep;

SARGAH LIMA

SUKERTA TATA PALEMAHAN

Palet 1

Indik Karang, Tegal, Carik lan Setra

Pawos 67

Indik Karang Desa

Karang Desa inggih punika palemahan desa adat sane nganutin
 Tri Hita Karana, makadi tegak marajan utawi sanggah, tegak
 umah pamereman, miwah teba pakarangan;
 Panyanggrannyane kasukserah ring krama desa adat turun-
 tumurun, nanging patut ngamedalang ayahan desa;
 Sahananing karang desa tan dados kailikitayang miwah kaadol;

Karang medi utawi kedi inggih punika karang pagunakaya sane wenten ilikitanipun tur sampun kawangunin paumahan; Karang medi utawi kedi miwah tegal dados kaadol, nanging mangda masadok ring prajuruadat;

Krama desa pangemong karang paumahan, panegalan patut ngawentenang wates sane marupa tembok utawi pagehan; Karang wiadin panegalan patut magaleng kahulu utawi kaluanan, teges ipun magaleng kaler wiadin kangin sane ngardi wates sane magenah ring tebenan (badelodan utawi badawuhan);

Yaning wenten karang desa kepah dados kalih utawi langkungan soang-soang kulawarga sane nanggap tur sane ngawentenang pamedalan patut nedunin makrama desa tur ken iayah ngarep;

Wates kawenangan/kadadosang ngangge tembok, pagehan miwah pal;

Yan wenten karang kabebeng, patut prajuru kasarengin antuk krama panampih utawi penyanding lan sane ngenahin ngutsahayang wenten margi;

Yan wenten karang kaputungan wenang prajuru desa nibakang karang punika pertama ring turunan purusa pernah ngunggahang, ping kalih ring purusa pernah kasamping, ping tiga ring krama tiosan sane magama Hindu;

Karang desa, karang paumahan, panegalan kaupapira sakala niskala manut sastra agama Hindu;

Pawos 68

Tan wenang ngalah-alah karang, tegal, margi, genah sane sinanggeh suci makadi kahyangan, setra lan sapanunggilan ipun;

Tan Wenang ngembahang toya, wit toyan hujan, toya wawalungan (limbah ternak), toya puwaregan (limbah dapur) lan sapanunggilan ipun kapakaran tios;

Tan dados ngentungan/ngutang luwu, wangken wawalungan,
 wawulaning janma kapakarangan, tegal, carik anak tios;
 Tan wenang nunjel, nanem sawa yadiastun sawa karesian ring
 karang tegal/panengalan wiadin sawah;
 Yan murug kadi kecap ring ajeng patut ngawaliang wit wicarane
 tur kawewehan pamrayascita manut dresta lan sastra Agama
 sane kacumawisang ring pararem;

Palet 2

Indik Setra

Pawos 69

Setra wawidangan desa adat pastika wates nyane;
 Setra desa adat inggih punika setra krama desa adat sane
 magama Hindu.

Indik migunayang setra patut masadok ring prajuru;

Nenten kapatutang makarya undung-undung utawi rumah
 kubur sane permanen ring setra desa adat Mambal muah sane
 tiosan sane mapakilitan ring setra lan pangupapiran nyane;

Pawos 70

Sinalih tunggil krama desa utawi banjar tan kalugra :

ha. Ngalah-alah margi, karang ayahan desa; karang desa;

na. Ngalah-alah tanah tegak kahyangan, lan setra miwah
 sakancan genah sane kasinanggeh suci;

Prade wenten sakadi ring ajeng, sang ngalah-alah patut
 ngwaliang tanah inucap saha pamidanda sapatutnyane
 kadulurin upakara ring genah suci sane kalah-alah;

Palet 3
Indik Pepayonan
Pawos 71

gawit nandur papayonan, tanem tuwuh patut adepa agung
 gajeroang saking wates, prade jantos ngliwat wates wenang
 asepat gantungin;

ening wenten papayonan ngungkulin, samaliha mawastu
 mayanin kapisaga patut kawara antuk paiguman pingajeng
 rasida sang nruwenang wit ngrebah utawi notor;

prade sampun kawara taler tan wenten usaha sang nruwenang
 wit, sang rumasa katetehan/kajerihan wenang masadok ring
 prajuru, tur risampun kaparitas kabukthi mayanin kalugra
 gicalang wit inucap;

sang mamurug kecape ring ajeng keni pamidanda
 anyangaskara saha prabea manut pararem, arep ring
 wawangunan sang karubuhan luire :

- 1a. Sang nruwenang wit papayonan sinanggeh mayanin,
 prade pungkak ngarubuhin wawangunan krama sios;
- 1a. Sang notor, munggul utawi ngrebah taru tur ngrubuhin
 wawangunan krama sios;

papayonan sane pungkak wiadin empak malarapan saking
 rancana alam, tur nyengkalen pisaga patut sang maderbe wit
 punika keni prabea separo mecikang rerusakan saha
 prayascita, indik bah pungkatanya kabhukti olih sane nabah;

Yan wenten wit taru mentik sajeroning wates tur wenten
 pasadu ring prajuru, wenang taru punika kepah tiga asiki
 katiba ring desa utawi banjar, sang sane nruwenang karang
 sowang-sowang polih padum asiki;

Yan wenten entik-entikan makadi tiying, pisang, miwah sane
 tiosan mentik ngalintangin wates, wenang entik-entikan punika
 kataban utawi kadruwenang olih sang sane maderbe
 wawidangan;

Yan wenten jadmā polih nuduk woh tatanduran utawi sane
tiosan saking tatanduran druwen desa patut kasukserahang
separo ring desa, separo kaambil olih sang sane nuduk;

Yan wenten jadmā mamurug ring kecaping 8, pawos 70 punika
tur wenten jadmā tiosan sane nyadokang ring desa, patut sane
nuduk punika ngawaliang nikel ping tiga saking pangargan
barang inucap;

Krama desa patut ngamanggehang kawerdian tanem tuwuh
sane ngawinan desane asri tur lestari;

Palet 4

Indik Wawangunan

Pawos 72

Nyabran ngawangun patut :

- ha. Masadok ring prajuru, pingajeng prade wawangunan sane
mapakilitan ring wates;
- na. Ngangge gaguat Asta Bhumi miwah gagulak Asta Kosala-
kosali, sanistane manut patitis niskala;
- ca. Tan nyayubin kapisaga;

Prade wawangunan jantos nyayubin, bilih-bilih temboke ring
telenging wates risampun kawara tur kasadokang ring prajuru,
wenang kadanda manut pararem, saha tembok inucap kagubar
utawi sanistane mangda kakaryanang abangan;

Wewangunan puwaregan, kakus utawi paciringan, pasiraman,
karangkeng wewalungan patut kakaryanang bangbang
septitenk, santukan kotoranipun tan kuasa ngalintangin wates
pakaran;

Prade kotoran kadi kecap 3, ngaliwatin wates, sang maderbe
wawangunan patut kasisipang manut pararem, saha mecikang
lanmatutang wawangunan nyane;

Palet 5
Indik Wawalungan
Pawos 73

Sahanan warga desa sane mamiara wawalungan makadi bawi, sampi miwah sane tiosan ri sampun mabelas utawi sampun masaluk tali, patut sayaga nitenin negul/nglogor mangda tan ngarusakin karang utawi pabyanan krama sios. Bilih-bilih jantos ngranjing ngaletehinkahyangan suci;

Prade wenten wawalungan malumbar utawi ngeleb ngarusakin karang, pabyanan krama sios, ri sampun kawara kengin kataban tur kadanda ngawaliang wit sane karusak saha nawur panebas papiaran tatabananmanut panglokikan prajuru desa;

Prade jantos ngaletihin genah suci minakadi pamrajan (Sanggah Kamulan), ri sampun kaparitas antuk prajuru wenang sang nruwenang wawalungan kadanda manut pararem lan mrayascita genah sane kaletihin manut pararem, sapunika taler prade nganti ngaletihin kahyangan desa utawi pura pamaksan sabinaning patut kadanda taler mangda ngamargiang pamrayascita manut pararem;

Krama desa patut nyarayanin wawalungan miwah sarwa prani, tan kapatutang maboros paksi miwah nuba ulam lan siosan punika;

Wawalungan sane kataban tan wenten mariangken nyantos solas dina, wawalungan inucap dados kakuasayang antuk sane polih naban;

Prade wawalungan sane kataban padem, tan sangkaning karencanayang tur sampun masadok ring prajuru, sang sane naban luput saking kaiwangan;

SARGAH ENEM
WICARA, BHAYA, DUSTA LAN PAMIDANDA

Palet 1

Indik Wicara

Pawos 74

Sane wenang mawosin makadi mutusang wicara ring desa adat inggih punika prajuru desa, sane madudonan makadi ring sor :

ha. Kelian Banjar, pradene sang mawicara wenten ring patunggilan banjar;

na. Bandesa Adat mawosin wicara prade sang mawicara sami-sami ring patunggalan desa, desa adat utawi sane mawicara banjar kalawan banjar tiosan;

Dudonan mawosin saha muputang wicara warga desa kadi ring sor :

ha. Kaping ajeng kabawosin antuk kelian banjar;

na. Tan cumpu ring panepas kelian banjar katunasang ring panglingsir banjar;

ca. Paruman banjar tan katinutin raris nunasang ring Bandesa Adat/ Pakraman;

ra. Bandesa Adat/Pakraman tan prasida muputang wicara sane wenten raris katincapang ring panglingsir desa sane kasinanggeh Kerta Desa;

ka. Prade taler pamatut kertha desa tan kacumponin, katunasang ring paruman desa sinanggeh wasananing pamutus sasampune polih tatimbang ring Majelis Alit Kecamatan miwah Majelis Madya Desa Kabupatenlan Majelis Utama Provinsi Bali;

Pawos 75

Sahanan wicara mawiwit kacorahan sakaluire sinanggeh nungkasin daging awig-awig, paswara miwah pararem desa/banjar, patut digelis kabawosin tan nyantos pasadok;

gaba wicara kadi ring ajeng patut nyantosang pasadok sang
 mas bawos;
 nepase patut pastika nyantenang iwang patut malarapan
 trik tri pramana (saksi, ilikita, bukti) miwah tan maren nepek
 ng Catur Dresta;

Palet 2

Indik Bhaya lan Dusta

Pawos 76

sane kabawos bhaya wenten limang soroh, sane kawastanin
 anca bhaya luire :

1. Jiwa bhaya minakadi kalebon amuk ;
2. Artha bhaya minakadi kabegal, karampok, kamalingan;
3. Agni bhaya minakadi umah puun utawi katunuan;
4. Er bhaya minakadi blabar utawi kebanjiran;
5. Duracara minakadi ring agama, ring desa adat, upami
 ngarusak utawi ngaletihin parhyangan, gamiagamana,
 masanggama salah timpal;

Sang manggihin kahanan jiwa bhaya, patut nepak kulkul bulus
 mapitulung manut pawos 45 angka (3) aksara na, krama desa
 sane uning ring kahanan bhaya kadi ring ajeng, patut gelis
 nepak kulkul banjar manut cihna bhaya tur masadok ring
 parajuru

Prade ring desa kahanan jiwa bhaya, patut desane
 ngalaksanayang bhuta yajnya tur sang mayanin katur ring
 sang rumawos;

Prade wenten jadma mamisuh utawi nguman-uman ring
 paruman majeng ring jadma sios, patut keni pamidanda
 marupa bea pacamil kadi dandaning nguman-uman ring sabha;
 (sudah masuk di pawos paruman).

Bhaya dura cara ring agama, ring desa adat kabyaktayang
 manut tri pramana (bukti, saksi muang ilikita). Sane
 malaksana punika patut kasisipang, kadanda manut pararem
 saha upakara manut sastra agama, tur kahatur ring
 sangrumawos;

Pawos 77

Sang manggihin kahanan artha bhaya (kamalingan), patut ngulkul mapitulung manut ring pawos 45 aksara petang dasa limautawi sang kamalingan atur supeksa ring prajuru desa sane pacang nandanin saha mawuwuh panyangaskara prade wenten janma ngamaling barang sinanggeh suci; Pratingkah mapailon ring dusta kabawos saruron, utawi prade wenten jadma manggihin maling tan nyadokang ring prajuru jantos jadma sios nyaduang, sang mapailon ring maling patut kadanda kadi dandaning maling, makweh pangargan dandan nyane manut cacakan dusta kamalingan nyane, tur prade rawuh ping tiga malaksana asapunika wenang kasukserah ring sang ngawiwenang;

Prade wenten jadma ngarereh reramon, minakadi daun kalapa, ron, muah sane lianan tan pasadok ring sang nruwenang, prade kacunduk (ketara) patut kadanda kadi dandaning maling;

Yening wenten jadma ngranjingin pakubon wiadin pakarangan tios rikala suwung, mawastu sang madruwe umah kaicalan, wenang jadma inucap katuwekang antuk madewa saksi ring Pura Desa. Mangda tan katuwekang manut ring ajeng, asing-asing ngranjingin pakubon jadma sios sane suwung patut :

ha. Matengeran suara (makaukan);

na. Nyantos sang nruwenang karang rawuh utawi masadok ring pangapit pinih tampek, maka buatan pangranjinge;

ca. Pamedal nyane kasawenin, maka cihna pangarah rikala suwung

Palet 3**Indik Pamidanda****Pawos 78**

Desa utawi banjar wenang niwakang pamidanda ring warga desa sane sisip;

Paniwak inucap kamargiang olih bandesa utawi kelian banjar;
 Bacakan pamidanda luire :

- ha. Ayahan kasisipan;
 - na. Danda artha (dosa, danda saha panikel paturunan);
 - ca. Rarampagan;
 - ra. Kadaut karang ayahnya, utawi kasepekan;
 - ka. Panyangaskara;
 - da. Kawaliang pipil nyane (kawusang makrama adat);
- Pamidanda sane katiwakang patut masor singgih manut ring kasisipane;
 Jinah utawi raja brana pamidanda ngranjing dados druwe desa/ banjar;

Pawos 79

Krama sane langkungan ring tigang paruman nglantur tan nawur urunan miwah dadandan wenang karampag;

Rarampagan ngangge tata cara, kadi ring sor :

- ha. Kalaksanayang antuk prajuru kasarengin antuk krama desa tigang diri maka saksi;
- na. Sang ngrampag madasar darsana ngambil barang utawi nyawenintanem tuwuh, akehnya manut ring hutang sang karampag;
- ca. Prajuru miteketang mangda barang-barang sane karampag digelis katebus, masengker awuku ring arahina pacang kadol;
- ra. Sane patut kaimpasin sajeroning ngamargiang rarampagan inggih punika tan nganinin saluwir barang sane patut inggilang manut agama miwah mademang pangupa jiwa sang karampag;



Pawos 80

Prade sang pacang karampag ngwara (ngalengin) pamargi
 inucap mawastu sampun tan nganutin utawi nenten
 ngalinguang sadagingin awig-awig desa wenang jadma punika
 kapiteketin indik sulur miwah atiti krama dados krama desa
 adat mangda prasida nganutin sasanan krama manut pangajah
 Agama Hindu miwah dresta sane kamanggehang;

Prade mamengkung, maparilaksana nyapa kadi aku, wenang
 karang desa sane kagenahin antuk jadma punika kadaut antuk
 desane utawi kasepekan;

Samalih yan purun taler ngalengin pamargikadi ring ajeng tan
 wenten pamargi sajawaning kawaliang pipil nyane (kawusang
 makrama adat);

Pamidanda inucap ring ajeng keni buntas risampun sang
 kadanda punika ngamargiang :

- ha. Nunas geng pangampura ring krama desa riantukan
 nguak pasubhaya (perarem) pecak;
- na. Nawur pangargan panguwak pasubhaya duk pacang
 karampag kadulurin pamrayascita;
- ca. Prasida katampi malih makrama duaning sampun sida
 ngesehin solah prawertin nyane;

SARGAH PITU**NGUWAH-NGUWUHIN AWIG-AWIG****Pawos 81**

Nguwah-nguwuhin awig-awig desa puniki kamargiang ring
 paruman desa;

Paruman inucap mangda kadasarin antuk pakarsan krama
 desa adat yadiastun kamedalang antuk prajuru sinunggal
 wiadin sinarengan;

Awig-awig puniki kamargiang ngawit kaingkupin (kararemin);

Pawos 82

- (1) Sakalwiring sane wenten saderengnya patut kaanutang ring sadagingin awig-awig puniki;
- (2) Sakalwiring sane durung kabawos sajeroning awig-awig puniki patut kamargiang manut tata cara sane sampun ketah mamargi kadulurin antuk pararem-pararem;

SARGAH KUTUS**SAMAPTA****Pawos 83**


- (1) Awig-awig puniki kawastanin Awig-awig Desa Adat Mambal;
- (2) Awig-awig puniki kamargiang tur kasungkemin ring paruman Agung Desa Adat Mambal;
- (3) Awig-awig puniki kaparipurnayang madasar antuk awig-awig Desa Adat Mambal sane kasurat warsa 1988;
- (4) Awig-awig puniki pinaka pangentos awig-awig Desa Adat Mambal warsa 1988.

Pawos 84


- (1) Awig-awig puniki kasungkemin ring Paruman duk dina Soma Umanis wuku Bala/panglong ping telulas Sasih kenam Icaka warsa 1938 tanggal masehi 12 Desember 2016 ring Bale Desa Adat Mambal;
- (2) Awig-awig puniki kelinggatanganin antuk prajuru Adat lan Dinas, turkapikukuh olih murdaning jagat Badung:

Prajuru/Dulun Desa :

Bandesa Adat Mambal,



 Bagus Putra Suamba, S.Pd.


Penyarikan Desa Adat Mambal,


 I Wayan Kenok Wartana, SH.

Kelian Banjar Adat Mambal Kajanan,

I Gusti Putu Suartana.



Prajuru Dinas maka saksi :

Kelian Dinas Mambal Kajanan,

I Gusti Suastika Rana, SE

Kelian Dinas Gumasih,

I Made Sira Musliadi.

Kelian Dinas Trijata,

I Gusti Putu Oka Harta

Kelian Dinas Agung,

I Gusti Putu Suwadnyana Putra.

Kelian Dinas Lebah Sari,

I Nyoman Ginantra.

Kelian Dinas Undagi,


I Ketut Sudirta



Camat Abiansema

Putu Ngurah Thomas Yuniarta, M.Si

Majelis Alit Kecamatan Abiansema



Ida Bagus Dipayana, MM.

Majelis Madhya Kabupaten Badung,



Ida Bagus Anom.

Murdha Pamikukuh

Bupati Badung,



INYOMAN GIRI PRASTA, S.Sos

SIGN & DATE 

dicatatkan pada Dinas Kebudayaan Kabupaten Badung.

Hari/Tanggal : 18 Mei 2018

Nomor : 189/27/2018



DESA ADAT MAMBAL

DESA MAMBAL, KECAMATAN ABIANSEMAL, KABUPATEN BADUNG
JL. RAYA MAMBAL PHONE : (0361) 469196

KEPUTUSAN

BENDESA ADAT MAMBAL

NOMOR : 04/S.KEP/DAM/II/2017

TENTANG

SUSUNAN PANITIA PERUMUS PARAREM

DESA ADAT MAMBAL TAHUN 2017

DENGAN ASUNG KERTA WARU NUGRAHA IDA SANG HYANG WIDI WASA

BENDESA ADAT MAMBAL

- Menimbang : 1. Bahwa Pararem merupakan penjabaran secara rinci dari awig-awig yang mengikat seluruh Krama Desa Adat.
2. Bahwa Pararem perlu dibuat dan ditinjau secara berkala sesuai dengan tuntutan perkembangan kondisi saat ini.
3. Bahwa berdasarkan poin 1 dan 2 di atas perlu dibentuk Panitia Perumus Pararem yang ditetapkan dengan surat keputusan Bendesa Adat.

Mengingat : 1. Peraturan Daerah Provinsi Bali nomor 3 tahun 2003 tentang perubahan atas Peraturan Daerah Provinsi Bali nomor 3 tahun 2001 tentang Desa Pakraman

2. Awig - awig Desa Adat Mambal tahun 2016
3. Hasil paruman krama Desa Adat mambal pada hari Minggu, 18 Desember 2016 tentang persetujuan untuk membuat rumusan pararem Desa Adat Mambal.
4. Hasil rapat panitia revisi (ngewah - ngewuhan) awig-awig Desa Adat Mambal pada hari Minggu, 12 Pebruari 2017 tentang penyusunan panitia perumus pararem Desa Adat Mambal.

MEMUTUSKAN

- Menetapkan :
1. Susunan panitia Perumus Pararem Desa Adat Mambal yang namanya tersebut pada lampiran 1
 2. Uraian tugas panitia Perumus Pararem Desa Adat Mambal tercantum pada lampiran 2
 3. Segala biaya yang muncul akibat keputusan ini dibebankan pada keuangan (Kas) Desa Adat Mambal.
 4. Apabila terdapat kekeliruan pada keputusan ini akan diperbaiki dengan surat keputusan tersendiri.
 5. Keputusan ini berlaku sejak tanggal ditetapkan.

Ditetapkan : di Mambal
 Pada Tanggal : 17 Pebruari 2017
 Bendesa Adat Mambal



Ida Bagus Putra Suamba, S.Pd

Tembusan disampaikan kepada Yth. :

1. Kepala Dinas Kebudayaan Kabupaten Badung
2. Majelis Madya Desa Pakraman Kabupaten Badung
3. Majelis Alit Desa Pakraman Kecamatan Abiansemal
4. Perbekel Desa Mambal
5. Arsip

Lampiran 1

Keputusan Bendesa Adat Mambal

Nomor : 04/S.KEP/DAM/II/2017

Tanggal : 17 Pebruari 2017

Tentang : **Susunan Panitia Perumus Pararem Desa Adat Mambal**

Penanggung Jawab : Prajuru Desa Adat Mambal
 Ketua : Ida Bagus Pada Kusuma, SE
 Sekretaris : Dr. Drs. Dewa Nyoman Oka, M.Pd
 Bendahara : Drs. I Gusti Nyoman Adnyana

Anggota :

1	I Gusti Putu Suartana	24	I Wayan Dana
2	I Made Cana, ST	25	Drs. I Ketut Muna
3	I Wayan Darya	26	I Ketut Ada
4	Drs. I Wayan Kasna	27	I Kadek Mulida
5	I Nyoman Putra Wirjaya	28	Ir. I Wayan Sumadiyasa
6	Ida Bagus Edy Wirawan	29	I Nyoman Mendra, SP
7	I Wayan Nama	30	Gusti Ketut Bagiarta
8	Gusti Putu Karda	31	I Gusti Ngurah Parnawa
9	I Wayan Murdita	32	I Nyoman Lanus
10	I Gusti Putu Dipa	33	I Wayan Purnawan
11	I Nyoman Suparta Yasa	34	Drs. I Nyoman Suartana
12	I Wayan Sukadana	35	I Wayan Sudanta, S.Ag
13	I Putu Sukarena, SE	36	Dewa Made Suyana, S.Sos
14	I Gusti Putu Oka Harta	37	I Nyoman Sinarta
15	I Made Sire Musliadi	38	I Wayan Dira, S.Pd
16	I Gusti Putu Suwadnyana	39	I Gusti Made Suwena
17	I Nyoman Ginantra	40	I Ketut Sujaya
18	I Ketut Sudirta	41	Ida Bagus Weda
19	Dewa Ketut Mari	42	I Ketut Puriana
20	Gusti Nyoman Oka, SE	43	I Wayan Yadnya
21	Drs. I G. Nym Kasta Ariasta	44	I Wayan Darma Putra
22	Drs. I Wayan Suja	45	I Made Kantun
23	I Gusti Ketut Lor Adnyana		

Pararem

Kelompok I Materi Parahyangan Palet 1 dan 2

- Pendamping : Dewa Nyoman Oka
- Ketua : I Nyoman Mendra
- Anggota : 1. Dewa Ketut Mari
- 2. Gusti Nyoman Kasta Ariasta
- 3. Ida Bagus Weda
- 4. Gusti Putu Suartana
- 5. I Wayan Nama
- 6. I Putu Suastika Rena

Kelompok II Materi Parahyangan Palet 3, 4 dan 5

- Pendamping : I Gusti Nyoman Adnyana
- Ketua : I Wayan Sumadiyasa
- Anggota : 1. I Wayan Suja
- 2. I Ketut Puriana
- 3. I Wayan Yadnya
- 4. I Made Cana
- 5. Gusti Putu Karda
- 6. I Gusti Putu Oka Harta

Kelompok III Materi Pawongan Palet 1 - 5

- Pendamping : I Wayan Sudanta
- Ketua : I Nyoman Lanus
- Anggota : 1. I Gusti Ketut Lor Adnyana
- 2. I Made Dana
- 3. I Gusti Ketut Bagiarta
- 4. I Wayan Suasta
- 5. Wayan Murdita
- 6. I Made Sire Musliadi

1. Kelompok IV Materi Pawongan Palet 6 - 10

- Pendamping : Ida Bagus Pada Kusuma
- Ketua : Dewa Made Suyana
- Anggota : 1. I Wayan Dira
2. I Ketut Ada
3. I Ketut Sujaya
4. I Wayan Kasna
5. I Gusti Putu Dipa
6. I Gusti Putu Suwadnyana

2. Kelompok V Materi Palemahan Palet 1 - 5

- Pendamping : I Nyoman Suartana
- Ketua : I Nyoman Sinarta
- Anggota : 1. I Kadek Muliada
2. I Gusti Ngurah Parnawa
3. I Gusti Made Sueni
4. Ida Bagus Edy Wirawan
5. I Nyoman Suparta Yasa
6. I Nyoman Ginantra

3. Kelompok VI Materi : Wicara, Baya, Dresta lan Pamidanda

- Pendamping : I Wayan Purnawan
- Ketua : I Ketut Muna
- Anggota : 1. I Gusti Nyoman Oka
2. I Wayan Darma Putra
3. I Made Kantun
4. I Nyoman Putra Wirjaya
5. I Wayan Sukadana
6. I Ketut Sudirta

piran 2

putusan Bendesa Adat Mambal
: 04/S.KEP/DAM/II/2017
: 17 Pebruari 2017
: Uraian Panitia Perumus Pararem Desa Adat Mambal

- ggung Jawab : Bertanggung jawab atas pelaksanaan Perumusan Pararem Desa Adat Mambal Tahun 2017.
- : Mengatur pelaksanaan kegiatan Perumusan Pararem Desa Adat Mambal Tahun 2017 dari persiapan sampai dengan pelaporan.
- : 1. Membantu ketua dalam memimpin rapat
2. Mengatur seluruh kegiatan pengadministrasian di sekretariat
- : Berkoordinasi dengan ketua dan sekretaris dalam pengelolaan keuangan, mulai dari perencanaan, penggunaan sampai dengan pelaporan.
- : Membantu semua kegiatan panitia untuk memperlancar pelaksanaan Perumusan Pararem Desa Adat Mambal tahun 2017.



Bendesa Adat Mambal

Ida Bagus Putra Suamba, S.Pd